

October 3, 2020

www.awemainta.com

www.facebook.com/awemainta

noticia@awemainta.com

583-1400



AWEMainta

Minister Dangui Oduber:

UN MIHOR CUIDO P'ESNAN CU LIMITACION FISICO CU T'ESNAN MAS VURNERABEL NA ARUBA



For di ayera marduga tin presencia policial na altura di cas
di Prome Minister Evelyn Wever-Croes, na Sero Blanco

KICO POR A PASA PA PONE VIGILANCIA, NINGUN HENDE A SALI BISA



**INVEST
SECURE**



We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw



< lesa na pagina 2 >



For di ayera marduga tin presencia policial na altura di cas di Prome Minister Evelyn Wever-Croes, na Sero Blanco

Kico por a pasa pa pone vigilancia, ningun hende a sali bisa



HENTER anochi y madrugada personal di Mobiele Eenheid, y tambe VIP Team tabata na cas di Prome Minister Evelyn Wever Croes pa vigilancia.

Motibo cu nan tabata n'e cas ta cu lo tin un of otro menasa dirigi riba e prome mandatario. T'e unico forma cu esaki por sosode. Probablemente lo tin cierto menasa y pesey a dicidi di pone extra vigilancia 24 ora pa dia riba e prome mandatario di pais Aruba.

Pero for di fuentenan oficial manera Mando Policial y/of Ministerio Publico, nan no kier declara net nada y ta ked ana speculation so.

Si mester bisa cu mas den dia, MInisterio Publico a emiti un declaracion cu ta papia di limitacion di libertad di expresion y nada mas.

Probablemente expresionnan haci den e dianan aki den un of otro protesta a causa esaki? Manera conoci tabatin algun protesta dilanti di Parlamento y a haci algun expresion cu a pone hende pensa hopi. P'e motibo aki mes a duna e prome mandatario e extra vigilancia pa evita cu e grupo aki lo yega den e area di e cas di Prome Minister Evelyn Wever-Croes.

Ministerio Publico ta splica cu

Libertad di expresion no por desenboca den hechonan castigable

E medidanan cu gGbiernonan rond mundo mester a tuma den cuadro di e pandemia di Covid-19, ta pisa y tin gran consecuencia (personal).

Na Aruba e medidanan a hiba na hopi reaccion den media, particularmente riba social media y Facebook.

Libertad di expresion ta un di e principionan principal di un estado di derecho democratico.

Hende mag di tin opinionnan cu ta ofensivo pa otronan of cu ta cay den mal tera.

Di politico y personanan den posicionnan halto por ser spera cu nan lomba ta mas hanchu cu di ciudadanonan comun y coriente, pero sigur no t'asina cu nan tambe lo tin soporta y wanta tur sorto di cos.

Na opinion di Ministerio Publico, libertad di opinion sigur no ta sin limite!

Libertad di opinion tin limite bao bao condicionnan legal y stricto y ta regla entre otro den EVRM (Tratado Europeo di Derechonan Humano).

Den EVRM ta papia (por ehempel) di hechonan castigable manera instigacion, menaza y e asina yama articulonnan di insulto.

E hechonan castigable aki ta para den Codico Penal:

1. Dor di instigacion un persona por hiba otro hende na comete hechonan castigable;
2. Menaza por causa sufrimento of violencia na un persona;
3. Insulto ta un expresion ofensivo cu por dañá honor y bon number di un hende.

Si e tipo di cosnan aki wordo publica contra un persona, e por haci denuncia. Un investigacion penal lo wordo hiba, caminda no ta exclui cu hende por keda deteni.

Por actua tambe a base civil. Ora di comete hechonan castigable por trata di un onrechtmatige daad, dor di cual Huez por (por ehempel) pone schadevergoeding.

Tambe tin casonan conoci cu hende a hasta perde nan trabao.

Minister Dangui Oduber:

Un mihor cuida p'esnan cu limitacion fisico cu t'esnan mas vulnerabel na Aruba



E compromiso cu nos tin cu esnan mas vulnerabel den nos comunidad cu tin limitacion fisico ta sigui. Di e forma aki hunto cu colega Minister Glenbert Croes ta percurando pa nan ricibi un cuida di calidad. Tabata 2 aña pasa cu un MOU a wordo firma entre e Ministerio di Salubridad Publico y Ministerio di Asunto Social.

Diabierna esaki a bira un realidad caminda a traspasa e casnan di cuida di Stichting Algemene Bejaardenzorg Aruba (S.A.B.A.) pa Stichting Ambiente Feliz (S.A.F.).

Den un conferencia di prensa Minister di Salubridad Publico sr. Dangui Oduber y Minister di Asunto Social, sr. Glenbert Croes representa p'e organisacionnan di Departamento di Salud Publico (D.V.G.), Departamento di Asunto Social, Stichting Algemene Bejaardenzorg Aruba (S.A.B.A.), Stichting Ambiente Feliz, Stichting Verstandelijk Gehandicapten Aruba (S.V.G.A.) y CEDE Aruba a tuma lugar firmamento di un acuerdo entre e dos Ministerionan y Stichting Ambiente Feliz cu e meta pa activa e centro di casnan cuida pa personanan cu limitacion fisico y pa brinda nan cuida di calidad.

Desde cu Aruba a haya su Status Aparte te cu awor e personanan cu limitacion fisico mester a haya cuida na nos hermana isla Corsou leu di nan famia. Cu e firmamento di e acuerdo aki, a crea e posibilidad pa duna e cuida necesario di 24 ora na nos grandinan y personanan cu limitacion fisico aki na Aruba mes.

E proyecto aki ta conta cu e financiamiento di fondonan di e Social Crisis Plan y ta bay cay bou encargo di Stichting Ambiente Feliz.

“Un biaha mas nos Gobierno a demostra cu pa nos e hende ta conta, e ser humano ta cental. Mi kier a gradici mi colega Glenbert Croes cu otro bunita proyecto pa nos comunidad. Ora bo ta traha cu curason grandi pa bo pais cosnan grandi ta wordo haci. Mi ta sumamente contento di por a contribui na un proyecto asina importante y bunita p'esnan cu mas mester di dje”.

Nos ta sigui cumpli e mandatario a termina bisando.

AVP a presenta raport COVID-19 na Outbreak Team di Hospital, despues na SIMAR y Telefon pa Hubentud



DURANTE dia di diahuebs ultimo, lider di partido AVP, mr. Mike Eman y Parlamentario drs. Mervin Wyatt-Rasa haya e oportunidad di sinta cu “Outbreak Management Team” di Dr. Horacio Oduber Hospital cu ta maneha henter e reto grandi di Covid-19

Tur esaki relaciona cu e presentacion di e relato “Covid-19 den Perspectiva” cu e dia anterior a entrega na Director di Dr. Horacio Oduber Hospital, Jacco Vroegop y dia di diahuebs entrega na nan persona tambe.

Despues di esey a continua cu reunion cu SIMAR cu tambe a contribui n’e raport. Partido AVP a tene un serie di consulta cu expertonan medico, social y di enseñansa, pa haya tende di nan con nan a atende cu e situacion cu e enfermedad contagioso aki a crea pa nos bida diario, kico t’e daño cu el a causa, dicon cosnan a bay manera nan a bay for di nan perspectiva y kico mester haci pa nos comunidad ta mihor prepara pa crisisnan similar den futuro. E brainstorming aki a tuma lugar dia 20 di augustus 2020.

Durante e reunion tin algun punto cu a resalta, den e relato traha y entrega ta poni cu ta importante pa bin cu un estudio con a maneha e crisis te awor y con por mehora; y na di dos lugar, e 35 miyon corta den cuidu medico mester ser aloca atrobe.

N’e momentonan aki, Aruba no por permiti su mes pa corta den cuidu medico. E ta causa daño y hasta fayecimento di ciudadanonan cu no ta haya e atencion debido na Covid-19.



Especialmente pa locual ta trata enseñanza a sinta cu SIMAR y con tin cu vigila e apertura di scolnan, con p’esaki bay den un forma mas sigur y p’e hobennan cu ta hayando educacion digital/virtualmente, enberdad por haya educacion cu nos tin cu garantisa pa nan.

Nos ta a penas n’e comienso di un caminda pa futuro desconoci. E experiencia y recomendacionnan den e relato aki ta pa yuda nos siña mas, mas liher y mihor con pa organisa cuidu di salud y bida den nos comunidad pa futuro.

E raport aki ta disponible riba www.avp.aw. E comision organizado di e encuentronan cu expertonan ta mr. Mike Eman, drs. Mervin Wyatt Ras, mr. Gerlien Croes, Robert Candelaria y drs. Rene Herdé.

E comision organisador tabata asesora pa conseheronan drs. Anco Ringeling y mr. Nicole Hoevertsz.

Dos mocion pasa den Parlamento riba spearfishing

Ta algo historico pa Minister di Husticia mr. Andin Bikker



Minister di Husticia, mr. Andin Bikker ta hopi contento y gradici na Parlamento p'e sosten amplio y unanime pa yega na un solucion pa spearfishing.


Ta for di tempo cu e mandatario tabata den Parlamento na 2005 bin ariba, el a hiba un lucha p'e piscadornan cu ta den e ambito di tira pisca.

Den un Comision di Parlamento na 2014 Minister Bikker a bay Saba unda a atende cu e asunto aki y pa haci un investigacion riba esaki.


Di parti Minister Andin Bikker den Parlamento, el a yega di traha riba leynan di iniciativa y awor den Gobierno el a traha riba dos preconcepto di ley y siman pasa diabierna como un solucion a presenta esaki na Parlamento cu e por bin cu un solucion.

Cu esey Minister Bikker a cumpli cu ne tambe y presenta esaki na Parlamento diahuebs merdia pa despues den un reunion publico anochi Parlamento a sostene e concepto aki di cual Minister Bikker ta hopi gradici.

Pa Minister Bikker ta un dia historico caminda Parlamento a delinea den dos mocion cla y raspa den ki direccion nan kier un solucion p'e tematica aki.



One Debit Card... Multiple Possibilities!



- ✓ Acepta rond mundo
- ✓ Paga cu sistema di 'Tap-and-Go'
- ✓ Paga compras online
- ✓ Lanta cen na ATM
- ✓ Paga cu chip of swipe cu e tarheta

Ricibi bo tarheta di debito Mastercard gratis den bo postbus! Bo no tin cuenta na BdC ainda? Por favor tuma contacto cu nos na infoaruba@bancodicaribe.com pa traha un cita.

Pa mas informacion bishita nos website www.bancodicaribe.com of yama nos na ☎ 523 2250.



BANCO DI CARIBE

Minister Dangui Oduber:

Veld di Independiente Caravel tambe a haya su lusnan LED nobo!



TABATA na november 2019 cu Minister di Deporte sr. Dangui Oduber a anucia na e directiva di Independiente Caravel na Angochi cu nan veld lo haya lusnan LED. Awe Minister Oduber ta contento di por cumpli cu Independiente Caravel.

Esaki sigur ta un otro proyecto bunita cu ta wordo realisa pa Ministerio di Turismo, Salubridad Publico y Deporte.

Minister Oduber a expresa cu e maneho di su Ministerio ta dirigi riba mehora infraestructura y percura pa tin bon iluminacion na veldnan.

Deporte ta un instrumento importante pa nos pais. E ta percura pa entre otro un bida mas saludabel, tanto fisico como mental, e ta tene hobennan leu di delincuencia y ta siña nan disciplina.

Sin deporte, un nacion no tin bida. P'e motibonan aki, Minister Dangui Oduber ta haya importante pa deporte na Aruba haya e atencion debido.

Minister Dangui Oduber ta sigui cumpli a pesar cu e fondonan pa deporte ta hopi limita, asina mes a haci hopi pa deporte. Lamentablemente ainda Lotto pa Deporte tin deporte secuestra y no ta duna cooperacion, pero no obstante esaki a demostra cu ta cumpliendo cu su maneho.

E mandatario a menciona cu a yuda diferente club cu material, airco y iluminacion. E deportistanan cu tabatin mester di un of otro yudansa pa haci nan deporte.

Minister Oduber kier a gradici e dirigentenan di e veld di Independiente Caravel pa tur locual nan a haci p'e deporte di futbol y deseanan tur clase di exito pa futuro.

Minister Oduber a gradici Parlamentario sr. Edgard Vrolijk pa hunto cu su persona pa kere den e proyecto ki pa asina hunto traha na bienestar di deporte y e deportistanan. Di e forma aki Minister Oduber ta sigui muestra cu e ta un persona cu ta bisa locual e ta haci y haci locual e ta bisa. E minister ta cumpliendo!

Minister Xiomara Maduro a reuni cu

Fundacion Movimento ta Bida riba Dia Internacional di Hende Grandi



RIBA Dia Internacional di Hende Grandi, Minister Xiomara Maduro a reuni cu sr. Rudy Leysner y sra. Rosa Leon di Fundacion Movimento ta Bida.

Den un entrevista ameno a papia riba e topico 'Healthy Aging' den cual a amplia riba con pa cultiva norma y balornan di nos grandinan, balor di traspaso den comunidad di norma y balornan y atencion riba e tereno fiscal pa nos grandinan cu kier sigui traha banda di nan pensioen.

Durante henter e luna di october, Fundacion Movimento ta Bida lo pasa e grabacion via canalnan di television. Danki na nos Grandinan pa brinda nos un fundeshi fuerte di ehempel y di sabiduria.

Abuso di menor ta afecta nos tur!

Hunto nos por kibra e ciclo di abuso.
Sea alerta! Busca ayudo ora di sospecho di abuso di mucha y yama
Bureau Sostene Mi na **5881010**.

Abuso ta pa bida largo



Melvin Tromp di partido AVP

Prome Minister ta pretende un tipo di curashi cu ta mas un acto di cobardia

SIMAN PASA Gobierno a manda yama miembronan di e tres fraccionnan cu ta sostene Gobierno, pa mira con ta bay atende cu e cantidad di critica cu tin n'e momentonan aki riba practicamente tur ministerio cu tin.

Melvin Tromp di partido AVP ta muestra cu for di oranan tempran di mainta, miembronan di Parlamento a tuma rumbo pa edificio di Cocolishi caminda Gobierno un biaha mas lo a dicidi di usa e Parlamentarionan aki, como simpel marionetanan cu ta wordo usa ora cu Gobierno tin mester di nan servicio.

“E strategia tabata bisto dentro di algun ora, caminda a habri afo contra lider di partido AVP, sr. Mike Eman caminda Prome Minister Evelyn Wever Croes tabatin e curashi di bin c'un reaccion di cobarde, cuestionando e maneho financiero di Gobiernonan di Mike Eman.

Ta cos di hari, sigur di un Prome Minister cu primeramente nunca a cumpli cu pueblo, kende ta bay den historia politico di e pais aki, como e Prome Minister cu mas placa a ranca for di pueblo y for di comerciantenan y tur esaki sin duna algo a cambio.

Practicamente Gabinete Wever Croes a supera Gabinete Nelson Oduber IV como e Gobierno cu mes placa a haya for di medidanan impopular tuma contra di pueblo, tur esaki despues di a sigura pueblo durante di campaña electoral, cu nan lo drecha e situacion financiero di e pais, SIN cu mester tuma medida.

E 11 marionetanan cu ainda ta sostene Gabinete Wever Croes a sigui Gobierno malusa nan manera Gobierno kier, caminda a manda yama un reunion publico pa atende un raport di

Algemene Rekenkamer riba e proyecto Bo Bario, buscando algo cu a bay robes pa hunga politica barata cu esaki, pero hecho ta keda cu pueblo den tur bario cu e drecha, por mira realizacion di e proyecto di Bo Bario.

Un proyecto pa desaroyo di barionan, caminda a inverti pa eleva e nivel di bida di ciudadanonan di tur bario, caminda e proyecto aki a yega te dilanti stupi di e centro di MEP na Santa Cruz, sin cu e partido aki mes a yega di haci algo p'e bario aki.

Durante di e reunion a trata di haya algo robes, pero con por haya algo robes si ta un proyecto cu a wordo controla pa Parlamento, a pasa aprobacion den varios presupuesto, hasta presupuestonan cu CFT a controla y aproba.

Despues esakinan por a bolbe wordo mira den e cuentanan anual cu a wordo presenta, pero cu durante di Gabinete Wever Croes, ya no ta wordo entrega mas, ya cu realmente e Gobierno di MEP aki no ta haci net nada pa drecha e pais aki manera cu a wordo priminti.

Al contrario por bisa cu tur e desordo cu e marionetanan den Parlamento tin cu sigui haci den proximo siman- y lunanan, ta pa distrae pueblo p'e posibel entrega di autonomia financiero di pais Aruba na Gobierno Hulandes.

Mester distrae pueblo su atencion cu no tin placa pa pueblo, pero sin tin miles y miles di florin pa paga tres Alto Comisario den e maneho desastroso cu Minister di Husticia a bin ta hibando. Criminalidad ta sigui aumenta, tur esaki despues cu a priminti pueblo cu tur cas, cu tur caya rond di Aruba lo haya camara di seguridad, pero net nada a wordo haci, pero si a ranca cerca di 300 miyon florin di cartera di pueblo.



Plan Social mester a trece alivio den e presion social cu tin den pueblo, mester a trece alivio pa victimanan di abuso sexual y fisico, pero te cu dia di awe e unico grupo cu a gosa di e plan social di Minister Glenbert Croes y su Gobierno, ta famia- y amigonan di e Minister y di e Gobierno.

Na Hulanda a sali publicacion e siman aki cu pa 2022 pensioen lo wordo reduci y tur cos ta indica cu esaki lo bira e caso tambe aki na Aruba, sigur den man di un Gobierno cu nunca tabatin solucion, cu nunca a cumpli cu promesanan haci na pueblo.

Na lugar di e pidi un reunion di Parlamento pa atende e raport di Algemene Rekenkamer riba e proyecto Bo Bario, Parlamentarionan cu ta sostene Gobierno por a pidi Prome Minister bin muestra Parlamento tur e proyectonan cu nan a logra na cumpli cune den ultimo tres añanan.

Net NADA!

Nada a wordo haci pa pueblo, pero so pueblo a wordo confronta c'un aumento di costo di bida increíblemente halto, pueblo a conoce aumento di prijs di gasolin, pueblo a conoce problemanan serio den enseñansa, problemanan serio den turismo, problemanan serio den comercio, pero di otro banda Gobierno no tin nada mas di duna pueblo, cu no a cifranan riba casonan di Covid-19, caminda maneho di esaki tambe ta wordo hopi cuestiona”, segun Melvin Tromp.

Parlamentario Alan Howell ta para tras di piscadornan Dentro di 10 dia e gedoogbeleid pa spearfishing lo mester ta cla

DIAHUEBS anochi despues cu e reunion publico den Parlamento riba e tema di problematica di pesca a termina, Parlamentario Alan Howell a indica cu ta un gran anochi especialmente p’e homber chikito. E ta indica cu Parlamento ta un lugar serio y su meta principal ta pa para tras di su pueblo, di su hendenan humilde.

E opinion aki el a vocifere for di siman pasa y contrario na loke algun a pensa cu esaki lo bira un wega of un cherchamento, “ora cu mi para pa algo, mi ta para tras di mi palabra. Nos hendenan humilde, nos piscadornan tabatin mester di un Parlamento cu ta para fuerte patras di nan, un Parlamento cu ta comprende nan dolor”.

Mas aleu Howell a bisa cu diahuebs mes a pasa di un bijeenkomst pa un reunion publico caminda a presenta un mocion y pone mas presion riba Gobierno, indicando asina cu Parlamento tin e situacion aki na serio. Na final di e reunion a pasa den forma unanime un di e mocionnan na bienestar di e piscador, urgien- do Gobierno pa dentro di 10 dia di trabou por haya un gedoogbeleid pa piscadornan di spearfishing y permiti e personanan aki pone cumin- da riba mesa pa nan ser keru.

Alan Howell tin e confiansa cu Gobierno lo haci su maximo esfuerso pa keda cla cu e gedoogbeleid dentro di e termino stipula, logrando asina un avance p’esnan cu tin spearfish- ing como nan ofishi.



Results of the Government of Aruba bonds issue – Afl. 40,000,000.00 5.30% SEPTEMBER 29, 2020 – 2027

Issuance pursuant to the State Decree of September 23, 2020 no. 1 (AB 2020 no. 142) in implementation of the article 2 of the State Ordinance of March 25, 2020 establishing the budgets of the Ministries of Aruba for the 2020 service year (AB 2020 no. 40), article 2 of the State Ordinance of March 25, 2020 authorizing the Minister of Finance to cover its financing needs in the 2020 service year (AB 2020 no.40), the articles 3, 5, 6, second paragraph, 7, 15, 16 and 17 of the State Ordinance Treasury Paper (AB 1987 no. 3), and Articles 2, 3, 4, 9, first and third paragraph, 10, 11, 12, second paragraph, 13, 14, first paragraph, part a, and second paragraph, 16, 17, second paragraph, 18, 19, 20, 27, 28 and 29 of the State Decree on Treasury Paper (AB 1988 no. 6), State Decree Financing Requirement 2020-IV.

The Central Bank of Aruba informs that, in applying a tender system as laid down in the document “Policy governing Government of Aruba’s electronic bond issue via a tender system”, the effective yield amounted to **5.6885percent** for the above-mentioned bond issue for the amount of Afl. 40,000,000.00 with a maturity of 7 years at yearly coupon of 5.30 percent. This amount has been fully subscribed.

Aruba, October 2, 2020
Centrale Bank van Aruba



Results of the Government of Aruba bonds issue –USD 50,000,000.00 5.30% SEPTEMBER 29, 2020 – 2027

Issuance pursuant to the State Decree of September 23, 2020 no. 1 (AB 2020 no. 142) in implementation of the article 2 of the State Ordinance of March 25, 2020 establishing the budgets of the Ministries of Aruba for the 2020 service year (AB 2020 no. 40), article 2 of the State Ordinance of March 25, 2020 authorizing the Minister of Finance to cover its financing needs in the 2020 service year (AB 2020 no.40), the articles 3, 5, 6, second paragraph, 7, 15, 16 and 17 of the State Ordinance Treasury Paper (AB 1987 no. 3), and Articles 2, 3, 4, 9, first and third paragraph, 10, 11, 12, second paragraph, 13, 14, first paragraph, part a, and second paragraph, 16, 17, second paragraph, 18, 19, 20, 27, 28 and 29 of the State Decree on Treasury Paper (AB 1988 no. 6), State Decree Financing Requirement 2020-IV.

The Central Bank of Aruba informs that, in applying a tender system as laid down in the document “Policy governing Government of Aruba’s electronic bond issue via a tender system”, the effective yield amounted to **5.9348percent** for the above-mentioned bond issue for the amount of USD50,000,000.00 with a maturity of 7 years at yearly coupon of 5.30 percent. This amount has not been fully subscribed.

Aruba, October 2, 2020
Centrale Bank van Aruba

Departamento di Cultura Aruba (DCA) tin 42 aña brindando su servicio cultural na Aruba

T'e Ser Humano ta duna contenido, ta forma y ta biba cultura



DIA 30 di september di tur aña ta un fecha importante pa Departamento di Cultura Aruba (DCA). Aki nos mester para un rato keto, pasobra ta 42 aña di Servicio Cultural na Aruba. Tabata riba dia 30 di september 1978 cu Instituto di Cultura Aruba (ICA) a keda institui dor di Gobierno Insular di Aruba. Y bou guía di sr. Hubert Lio Booi como e prome Director, kende tabatin e tarea di prepara e pueblo Arubano dor di stimula asuntonan cultural, tanto riba su desaroyo y promoviendo esaki den nos comunidad.

Di 1978 – 2007 Instituto di Cultura Aruba (ICA) a fungi como e instituto pa Asunto Cultural y desde 2007, ICA a bira loke nos tin awe, DCA cu ta Departamento di Cultura Aruba cu ta basa su mes riba e vision y implementacion di e desaroyo di maneho, investigacion y documentacion riba tereno cultural. Desde 2012, sr. drs. Siegfried Dumfries a ser nombra Director di DCA.

Cultura ta evoluciona y tin su característica y cosnan cu ta tipifica cada temporada. Tin diferente vision y definicion kico cultura ta encera!

Hecho ta, cultura ta dinamico y ta concerni nos tur riba e dushi baranca aki. Unda cu e ser humano ta duna contenido, ta forma y ta biba cultura.

Ta tur loke e ser humano a crea banda di naturalesa. Cultura ta encera tur forma di expresion humano. “Cultura ta determina nos forma di ta, nos forma di biba, expresa y pensa. Cultura ta nos tradicion, custumber, creencia y folklore”.

Cultura ta dinamico y ta desaroya hopi mas cu folklore so. E ta encera idioma, literatura, herencia cultural tangible (cas, museo, obheto y edificionan historico) y intangible (tradicion, idioma, folklore; tur loke no por mishi di biaha cune, etc).

Arte en general; bistimento; baile; musica, teatro etc. Museonan, idioma literatura, archivonan di historia, gastronomia, y historia en general y tur loke ta creencia, spiritual, sociedad y social.

Tur expresion di e ser humano. Arte en general, Arte contemporaneo; Arte plastico, baile, drama, teatro; literatura, musica, teatro musical, y audio visual. Monumentonan, Archivonan, Museo, Archeologia, y Herencia Tangibel.

Nos mester sinti nos mes hopi orguyoso di e logro aki y di por ta comparti tur nos pasion y experiencia cu nos comunidad.

Departamento di Cultura Aruba (DCA) su portanan ta habri y pa brinda e servicio cultural, proyectonan escolar (cultural y educativo) y realiza varios proyecto cu partnernan y tercera. Nos ta aporta y duna oportunidadnan n’e desaroyo cultural y talentonan artistico por haya un chens y crece riba tereno di arte y cultura. Nos contribucion ta y lo sigui pa apoya, comparti nos cultura, promove, conserva y sostiene.

Como Arubiano nos mester sinti nos mes orguyoso y feliz di nos cultura, sinti nos mes bendiciona cu e rikesa cultural cu ta existi y di por ser exporta. Pone visionnan nobo nos dilanti den exporta creatividad y arte.

No tur pais na mundo por celebra nan cultura y nos ta un pais cu hopi potencial, hopi rikesa y diversificacion den historia, arte, multiculturalidad y creatividad.

Un pais sin cultura ta un pais sin alma, sin bida, sin sentido, sin identidad; e ta un pais pover.

Cultura ta ami, cultura ta abo, cultura ta nos tur y nos tur ta cultura. Esaki t’e yabi di comprension y prome caminda pa nos realiza cu nos ta hende liber y cu sin cultura ta manera nos ta bibando sin libertad.

Puntra bo mes kico cultura por nifica pa cada un di nos, kico nos ta haci pa cultura y p’esaki por sigui desaroya? Nos mester ta consciente cu cultura ta un conhuntito di conocimiento cu ta yuda nos determina kico nos ta: Cultura ta parti primordial di tur hende y esaki ta loke nos ta sinti, loke nos ta, loke nos ta biba, loke nos ta mira, e manera con nos ta actua, pensa, dicidi, asina tur esaki ta; e manera con nos ta comunica, relaciona, cana y comporta nos mes un cu otro.

Sigui lesa na otro pagina >

Nos mester balora y biba tur dia e cultura Arubano hunto cu nos naturalesa, nos idioma, nos literatura, nos patrimonio, nos herencia, nos historia y den esaki ta cay tambe tur e expresionnan artistico, nos teatro, nos musica, nos bailenan, nos arte visual, nos artesanía, nos arte popular, como tambe nos norma y balornan, nos custumbernan, nos cumindanan crioyo, nos celebracionnan popular, nos folklore t'e parti statico di cultura y tur nos tradicion, archivonan y historia...!

Nos mester desaroya nos capacidad pa ta mas creativo, conoce nos cultura mas, sigui carg'e, sosten'e, compartie, celebr'e y promov'e den tur sentido, pasobra cultura ta uni nos. Cultura ta nos derechonan fundamental di mas importante y e ta alimenta nos alma, nos soñonan, e ta yuda nos canalisa tur proposito di nos bida. Ban hunto duna contenido, trata na compronde nos propio cultura y haci tur posibel p'esaki forma parti di nos bida diario. Pasobra cultura nos mester bib'e. Nos no ta forma parti di únicamente e cultura general, pero nos tambe ta forma nos propio cultura. Tur persona cu ta haci di su propio cultura un parti regular di nan bida, ta bira mas feliz, nan ta desaroya nan creatividad y nan capacidad di expresion cu'n spirito di libertad mas amplio. Nan ta mantene un vision di bida mas positivo y nan mente ta keda habri pa atende cu diferente reto y pa adkiri conocimiento nobo.

Nos tin un envidiabel potencial multicultural, artistico y estetico y un mescla diverso cu ta yuda nos forma den conhunto un spiel hopi grandi cu ta permiti nos wak nos mes refleha claramente den dje, pa reconoce ta ken realmente nos ta y pa duna curason y bida na loke nos ta haci. Aruba su cultura t'asina rico cu nos tin tur e potencial pa ta un centro cultural di Caribe y un orguyo y ehempel pa mundo henter.

E aña aki nos a topa cu e reto di cu evento y proyectonan cultural no por a sigui publicamente debi n'e pandemia. Respetando asina e maneho di Gobierno y di Crisis Team. Pero asina mes nos a realisa nos proyecto di Arte di Palabra den un forma virtual. DCA a reuni cu e fundacion di Festivalnan Folklorico y a combersa tocante di e situacion actual relaciona cu e pandemia y trata na busca alternativa pa cu e situacion di Dande di fin di aña.

P'e proyecto di San Juan, dera gay tambe DCA a reparti un USB cu informacion y animacion pa tur scol basico pa di e manera ey no laga e celebracion pasa sin mas.

Na juni cu a pasa a celebra Dia di San Juan den un forma diferente, adapta y esaki a tuma lugar pa un grupo chikito na Cas TanTin na Pos Abou y transmiti via Tele Aruba pa henter pueblo di Aruba den cooperacion cu UNOCA.



Tambe a realisa un Tableau Vivant di e celebracion di San Juan banda di Aereopuerto riba caminda grandi.

Dia 7 di augustus a tene un reunion cu e 4 fundacionnan cu ta ricibi subsidio di Gobierno p'asina atende hunto e asunto durante pandemia, buscando tur forma y haciendo esfuerzo pa adapta aña aki cu e situacion di Covid.

E Proyecto anual Gang di Arte a ser realisa hunto cu Dream Dare Do e aña aki, DCA hunto cu Cas di Cultura a haci un presentacion den Cas di Cultura como un ehercicio di con Cas di Cultura lo haci su presentacionnan durante pandemia. DCA cu cooperacion di Fundacion Bernadina Growell y Fundacion Chico Harms a celebra Dia di Brazil den forma diferente y tambe cu un Tableau Vivant pa recorda e dia aki.

Nos ta spera henter pueblo di Aruba y tur su habitantenan, por sigui sostene nos cultura den e normal nobo y apoya tur iniciativa cultural cu ta desaroya den nos comunidad ya cu esaki ta permiti nos habri nos mente pa cosnan cultural, crea union familiar, nos historia y tradicion.

Pabien di e 42 aniversario na tur colega di Departamento di Cultura Aruba y na tur ex-Director, ex-coleganan, persona, boluntario, instancia, y departamentonan cu a traha den cooperacion hunto cu nos, p'asina nos por bira mas grandi cada aña.

Biba nos cultura y cu Dios por sigui bendiciona nos dushi pais Aruba, p'asina nos por ta realmente e isla feliz bek cu nos ta.

“Pone E Arubiano na altura di su cultura y siñ'e conoce di otro”. -Hubert Lio Booi- “Gusta loke ta di otro, pero stima y aprecia loke ta di bo.” -Vicente Ras- “Cultura bo tin cu Bib'e.” – MinFEC Sra. mr Xiomara Maduro

Booshi Wever kier sa:

Cu ki motibo miembranan di coalicion ta keda defende e autor principal di corrupcion na Serlimar?

PUEBLO di Aruba un biaha mas por tabata testigo di un reunion maratonico, na unda 21 Parlamentario a bin duna un show di un Parlamento critico, pero sin ningun resultado. Un bi-aha mas por a scucha e avalancha di maniobranan cu Otmar Oduber tabata haci den su maneho desastroso den Serlimar, pero enbes di presenta un mocion pa CONDENA tur e actonan di corrupcion, mal gobernacion, patronahe politico, konkelmento cu cifranan y manipulacion, a resulta cu e gran issue di e reunion tabata un “hindervergunning”.

Un “hindervergunning” cu tabata un di e exigencianan den e “bestek” na 2018, pero cu Otmar Oduber a laga saca for di e bestek. Djis pa beneficia su amigo personal y sponsor CTC, cu no a inclui e hindervergunning den su oferta contrario loke Johnson’s Enterprise SI a haci.

Aparte di esaki Otmar Oduber a peca y a desvia di por lo menos 7 ley. El a comete actonan PENAL menciona den e.o. articulonnan 2:344, 2:345, 2:353 y 2:354 dor di a pone e.o. e ley di Comptabilidat (articulo 25 inciso 4) completamente un banda, segun Booshi Wever. Pa colmo su colega di Finansa tambe a actua contra e MB cu nan mes a firma. Dicho MB a duna Otmar Oduber e autoridad pa desvia di un destaho publico y haci un “DESTAHO BOU MAN”, pero na final Otmar Oduber a duna su sponsor/amigo e proyecto di mas di 16 MIYON florin “UIT DE HAND”!

For di e contestanan y e documentonan presenta por a saca afo cu Otmar Oduber a haci su mes culpabel tambe di “MACHTSMISBRUIK” cu ta algo cu ta bay enpugna di nos codigo penal. Ora cu Otmar Oduber a ripara cu e oferta di su sponsor/amigo NO t’e oferta mas abou, el a bay over na “SJOEMEL” cu cifra. Esaki ta poni den un di e documentonan poni “ter inzage” durante e reunion publico.

For di e documentonan claramente por a saca afo cu tanto ex-Minister Otmar Oduber como e Raad van Toezicht no a actua conforme e articulo 7 di e ley riba Serlimar, cu ta bisa hopi cla cu Serlimar MESTER aplica reglanan di COOPERATE GOVERNANCE.

Resultado ta corrupcion na gran escala y e principio basico di Cooperate Governance, esta “fairplay” y transparencia absolutamente NO a wordo aplica. Y tur esaki cu bendicio di Gobierno y di coalicion den Parlamento, cu awe kier muestra cu nan ta critico.

Ironia ta cu recientemente Parlamento a haya ta necesario pa, corectamente, dedica atrobe atencion riba e desaster cu e proyecto “Bo Bario” di Mike Eman, a ocasiona. Pero ora ta wordo confronta cu e desaster di Serlimar, ta prefera di hunga politica di avestruz. Nan a wordo bon informa riba e PORkerianan cu tabata sosode den Serlimar. Particularmente e lider di fraccion di MEP sin papia di sres. Vrolijk y Tevreden.

Nan a ser informa den DETAYE kico tabata pasando, pero e tempo ey a scoge pa bay colga “vrolijk en tevreden” na Otmar Oduber y awor kier bin hunga e tigernan di papel. E dicho ta aplicabel den e caso aki cu ta bisa cu tin biaha mihor bo keda keto pa pueblo no haya sa con ingenuo bo ta, pa no usa otro palabra.

Ta hopi ingenuo ora tende sr. Tevreden bisa cu e ta spera cu e incinerator chikito aki no bira un “kapitaalsvernietiging” manera tabata e caso di Bouldin & Lawson. Ki hilaridad! No ta ABO mes a bay di acuerdo pa DESMANTELA e instalacionnan di B&L?

Dicon sr. Tevreden no a pidi e Minister e tempo ey, e 4 consehonan cu ta bisa cu e mihor solucion ta pa pone e planta bek den funcion, ya cu den un par di luna lo por a cuminsa wak un alivio p’e pueblo di Parkietenbos! Y esaki cu un inversion relativamente hopi abou.

Pero nooo, e issue importante t’e hindervergunning!

Gabinete Oduber 1 & 2, a percura pa un solucion duradero cu e planta WasteAway-plant di B&L, pero tur hende sa cu ta un BOYCOT FERROZ a caba cu esaki. Esaki a wordo confirma pa varios sentencia y WODC. Lamentablemente mester tende un Parlamentario di MEP bisa cu niun Gobierno a percura pa un solucion. Durante e Gabinete Oduber 1 & 2 e pueblo di Parkietenbos a conoce un alivio, esaki danki n’e VISION cu a ser converti den un MISION.

Aki atrobe interes partidista a prevalece riba e interes general y awor esaki ta parce cu lo ta caso atrobe. Por a scucha cu lo bay haci masha hopi test na Parkietenbos, loke porcierto ta na su lugar, pero si realmente ta preocupa pa nos medio ambiente anto mester pidi pa haci testnan di e humanan toxico cu ta procedente for di WEB tambe. Pero eynan tur hende ta “muisstil”!!

Enbes cu a presenta un mocion conhunto di HENTER Parlamento pa CONDENA e CORUPCION Y MALGOBERNACION di Otmar Oduber, ta keda teima riba un hindervergunning. Y enbes di bin cu un mocion pa sigui cu e 4 consehonan di Serlimar y uno di PAHO pa rehabilita e WasteAway plant di B&L ta pidi mas plan atrobe. E autor di e Plan Integral y Duradero di Waste Management t’e Director actual di DNM, kende t’e consehero principal di e actual Minister tambe.

Pues stop di “beat around the bush” y haci loke mester ser haci p’e Pueblo di Parkietenbos. Y stop di defende e CORUPCIONAN cu Otmar Oduber a comete den Serlimar. E Parlamentarionan critico a perde tempo caba pa nan tambe bay entrega keho na OM, manera nos si a haci na december 2019 contra di e ex-Minister corrupto, lider di partido UPP, Booshi Wever a duna di conoce.

Plataforma Hobennan Profesional (PHP) – Tienda di Ley:

Sosten financiero n'e ex-pareha no casa despues cu e relacion termina

(parti 2)

Scirbi pa studiantenan di ley:

Minorca Martis LL.B

Gerick Croes LL.B, B.Ec



DEN e prome parti di e articulo aki nos a subraya e derecho di e ex-pareha no casa ora cu tin un separacion. Nos a elabora riba 4 criteria acumulativo determina for di jurisprudencia cual ta duna un ex-pareha no casa e derecho pa ricibi pago di alimentacion. Pa por ilustra e situacion aki lo nos pone enfasis riba e decision di Hues den un caso cu a wordo trata den nos Corte di Prome Instancia na aña 2017.

E hechonan ta lo siguiente:

- Partidonan a muda hunto na aña 1991 y na aña 2004 a sera un hypotheek hunto pa un pida tereno. Partidonan tabata tin mas cu 20 aña ta biba hunto;
- E homber a traha un testament y a stipula den esaki si acaso e fayece, e ta laga su pareha como e unico heredero di su herencia;

- Relacion a termina y e señora a pidi un suma di Afl. 1.750,- pa luna na *uitkering tot levensonderhoud* mirando cu su entrada tabata un suma di Afl. 506,- pa luna na pensioen;
- E homber su salario tabata aproximadamente Afl. 5.300,- netto pa luna

Na momento di evalua un tipo di solicitud manera esaki, mester tene cuenta cu e grado di necesidad di parti di e solicitante y di otro banda mester tene cuenta cu e capacidad financiero di e otro partido.

Den e caso aki, considerando tur e pruebanan cu a wordo treci dilanti dor di e solicitante y tambe e grado di necesidad cu e tabatin, Hues a honra su peticion y a ordena e homber pa paga su ex-pareha e suma di Afl. 1.750,- pa luna.

Cu esaki nos por conclui cu tambe parehanan cu tabata biba hopi aña hunto, por conta cu un tipo di sosten cu ta wordo regla pa ley.

Tienda di Ley a wordo forma dor di un grupo di estudiante di ley y tambe huristanan cu pa

dos aña caba ta brindando asistencia huridico na nos comunidad di Aruba. Durante e existencia di Tienda di Ley nos a publica diferente articulo huridico. Nos a trata diferente topiconan di nosCodigo Civil, Ley Constitucional, pero tambe Codigo Penal, Ley Administrativo y Ley di Labor. Nos meta no ta pa solamente brinda asistencia huridico na nos comunidad, sino tambe informa nos pueblo y comunidad di nan derechonan. Cada ciudadano di Reino Hulandes ta supose di conoce e leynan, pero hopi biaha pa falta di transparencia esaki no ta sosode.

E hecho cu nos leynan mayoria biaha ta dificil pa compronde tambe ta hunga un rol. P'e motibo aki nos ta purba di hinc e articulonan mas simpel cu nos por den otro na Papiamento, pero no tur biaha tin palabranan huridico exacto cu por wordo uza. Ta spera cu por a informa e lector un poco tocante e topico aki.

Si bo persona tin pregunta, algun sugerencia pa un proximo topico di ley of ta desea asistencia huridico por tuma contacto cu nos via nos facebook page: Plataforma Hobennan Profesional of nos e-mail: plataformahobennanprofesional@gmail.com.

Control di Kustwacht ta na interes di seguridad di individuonan y pais Aruba

DIAHUEBS Kustwacht a topa durante un control riba lama cu 6 persona ilegal riba un boto cu tabata na caminda di Aruba pa Venezuela.

E dos tripulante di e boto a wordo deteni y laga den libertad despues di investigacion.

Den e caso aki tabatin insuficiente motibo pa sigui cu persecucion penal di e dos tripulantenan aki.

E 6 personanan ilegal a wordo entrega na Guarda nos Costa (GNC).

Kustwacht Steunpunt Aruba ta hiba controlnan manera esun di diahuebs den cuadro di proteccion di frontera.

E controlnan aki ta importante pa evita cu personanan sali for di Aruba ilegalmente y tambe pa preveni otro actividadnan prohibi manera traficacion di contrabando.



Concientisacion di

Dia internacional di garoti blanco strepi cora ta bay virtual cu e accion: "Ami cu mi garoti"

TUR AÑA FAVI ta conoci pa concientisa e automobilistanan riba e uzo di garoti blanco strepi cora den trafico. E aña aki e ta bay ta diferente.

Pandemia di Covid-19 a trece cambio, un cambio cu ningun di nos no a pensa riba dje, pero cu ta reta nos diariamente pa nos por sigui cumpli cu e meta di FAVI.

E garoti blanco cu strepi cora ta un simbolo internacional di independencia di e persona cu su bista conoce un limitacion. Durante aña e historia di e garoti a haña un lugar solido unda e persona cu tin limitacion di bista ta forma parti di e comunidad. E no ta keda sera den cas of keda sin bay scol.

Den nos trayecto, FAVI a conoce diferente cliente cu a tuma e curashi di mobilisa y muestra cu nan ta parti di e comunidad. Bo por mira nan na banco, supermercado, na scol y na pia di trabao.

Fiel nan ta usa e garoti pa por mobilisa, pero mas principal ta pa muestra cu limitacion di bista no ta un obstaculo. FAVI ta mira e importancia di ta parti di e prevencion di Covid-19 y a scoge e aña aki pa tene e accion na un manera virtual, cual ta hiba e nomber "Ami cu mi Garoti".

P'esaki tuma lugar, FAVI kier aserca tur persona cu tin un limitacion di bista y tin un garoti pa participa.



E tarea ta ensera: Graba un video con abo ta uza e garoti, entre otro, na scol, trabao, durante un caminata. Manda e video aki pa FAVI via whatsapp 560-9225. Tambe por post'e riba bo facebook personal y tag FAVI den e video. E concientisacion ta cuminsa diamars 6 di oktober y lo finalisa diahuebs 15 di october 2020.

Pa mas informacion por tuma contacto cu FAVI na 582-5222.

Nos di FAVI kier a manda un mensahe; Automobilistanan sea mas cauteloso riba carretera di Aruba y si bo ta mira un persona ta cana cu su garoti blanco strepi cora, corda baha velocidad y si e mester cruza caminda duna e persona aki e oportunidad p'e crusa na un manera sigur.

3 Persona mas a fayece debi na Covid-19 !!!

ESAKI ta loke e resumen di ayera a indica. Loke por a ripara ta cu 79 persona mas a recupera, tin 40 caso nobo di Covid-19, nan tur ta residente, (27% "positivity rate"). Y e total di casonan activo a baha cu 42 persona y ta na 602.

Y ayera e total di testnan haci ta 298, testnan haci bao di residentenan na laboratorio di hospital ta 152 y total di caso di fayecimento relata na Covid-19 a aumenta na 30. Di parti di nos tur ta condolencia y forza n'e famianan.

ULTIMO INFORMACION

Casonan di Corona Virus na Aruba pa 2 di October 2020

2/10/2020	TOTAL	RESIDENTE	NO-RESIDENTE
Casonan Nobo	40	40	0
Activo	602	595	7
Recupera	3406	3364	42
Positivo	4038	3989	49
Negativo	28217	-	-
Getest	32255	-	-
Getest na Airport	14146	-	-
Morto	30	30	0

Tempo di mi tempo



UN team ta trahando duro na biblioteca riba un otro edicion di su Festival di Buki pa Mucha. E tema di e Festival 2020 ta 'Historia' cu su lema '*Tempo di mi tempo*'.

Durante Festival di Buki pa Mucha 2020 muchanan ta bay bek den pasado pa descubri e mundo di antes. E aña aki e festival cu ta tuma lugar den prome siman di november ta bay ta un poco diferente.

Actualmente diferente presentacion ta wordo graba den Studio di biblioteca. Esaki pasobra bishita na scol ta poco limita.

Den Studio di biblioteca ta prepara e presentacion di autor di buki pa mucha y tambe ilustrador.

Biblioteca a laga produci un buki special p'e siman conhuntamente cu Levendig Uitgeverij na Hulanda. Esaki ta un compilacion di storia. Scolnan participante ta haya e buki gratis.

E buki a keda bunita ilustra p'e conocido artista visual, Elvis Tromp.

Elvis a keda inspira p'e tema 'Historia' y a pinta un ilustracion pa cada storia.

Elvis ta prepara un presentacion pa duna muchanan e sabor di pintamento. Riba website di biblioteca por lesa mas di Elvis Tromp. Un di e ilustracionnan di Elvis a bira logo p'e festival.

Claro cu tin un cantica p'e festival canta pa Ambar Silva, Ces Sy y Ryah Sy, titula 'Lesu y lo bo wak'. Musica a keda produci pa Mario Chow, Sergio Silva y Jeremy Bonarriba, letra ta di Sergio Silva y Areglo musical ta di Jeremy Bonarriba. E grabacion y mezcla a wordo haci den Sunny Ray Studio.

E interes p'e festival semper ta grandi di parti di e scolnan na Aruba. Pa entusiasma y inspira docentenan, biblioteca ta prepara un tayer. Esaki lo bay online.

Durante e tayer docentenan ta haya guia con pa traha cu e tema y hopi tips di buki cu por lesa p'e muchanan den klas.

Cu e lema '*Tempo di mi tempo...*' biblioteca ta kick-off e promocion pa su Festival di Buki pa Mucha 2020.

Sabiduria den nos alegria !!

Skirbi pa Ruthy "Lady Ruth" Vrieswijk-Bergen



AWEden nos relato semanal, nos ta comparti un poema prosa, cu nos a inspira pa Poetry Night cu a wordo cancela e luna aki, cu un tema hopi delicado, pero cu nos a scirbie manera e inspiracion a bin na curazon.

E tin un toke spiritual aden. Nos no ta perfecto, nos niun ta, y nos no ta aki pa huzga niun hende tampoco. Como Poeta, mi ta comparti esaki, asina mes cu podise mi lo bai haña un of mas critica y of reaccion. Dios sa, pakico mi a inspira e poema prosa aki na un idioma cu no ta mi idioma materno, podise pa logra toca e curazon di hobennan cu ainda ta struggle y no sa ken nan ta of kico pa scoge. sea bo mes semper y sea feliz ta meta di nos tur.

Why Pride in the flesh ?

Being proud of yourself

Of who you were

Of who you are

Of who you will be

Is not up to me

You see,

Life might be busy with its ups and downs

Life might be busy with a headache or a frown

Life is beautiful filled with fun and laughter

With Covid these days life is moving faster and faster

The thing is, we all want more

We don't care where things come from

We are full of love for material shit

We are full of fear of being hurt

We are not in this world only to fit in

We are full of anxiety not to be complete

We forget to be discreet

We forget our roots, we forget the humbleness

We forget to be proud of ourselves

With the gender we were born

And we want to feel different from the inside out

We want to climb the stairs and show off with our shouts

It's not up to them to accept you and love you

It's not up to them to tell you to be you

Still I express it democratically in my poem

When all you want is to be accepted and love by all

When the majority of people forget on who to call

The Creator God of all human kind

But the material things make us blind

You might think your spirit and soul is in the wrong body

And maybe it is so, it's not up to me to dicide who's right or wrong

When you put God first in your life, He will teach you His lessons, his songs

But today's youth don't want to wait that long, they don't get along

Today's youth want things for free, they don't want the hard work

They choose the easy way out, and sometimes make some moves in the dark

Tonight's theme did not want me to stay home because as Grandma Poet

I always come with some sort of a message to inspire us all

If you are not sure of who you are in the soul

You can not be happy in a strange body

If you are not sure of who's body that is

You can not be happy in a strange soul

Every person in this beautiful Universe has his or her own call

To be happy, to love God , love him or herself and to love others

We all are sisters and brothers

We all are sinners and make mistakes everyday

Only God can keep us safe

Only God knows our struggle

Only God knows how we feel

We don't see Him, but He's real

He gave us choices, he gave us a free will

But we all fail Him and ourselves still

You don't have to agree with me, I'm already sixty three

My most beautiful life experiences came after I invited Jesus into my heart

My most wonderful lessons and feelings in life, unique and smart

I am not perfect, neither are you, neither are they

Just reflect on your talented life with wisdom, let them stay

In your heart, mind, soul and body, whisper a prayer

Make talking to God a good habit daily and before going to sleep

He can touch you with His forgiveness and love, so deep

You will wake up with gratitude and understanding

You will be blessed and less demanding

Your life will be in the Light

Just me, Grandma Poet, with some sort of insight

Be the blessing you are meant to be in this life time

Be talented, be happy, be humble, be at peace with yourself first

Before allowing your flesh to hunger with thirst

Why Pride in the flesh, when you can shine in flesh and in spirit.

Why Pride in the mind, when you can be yourself at your best

In the body given by your Creator of life and love.....

Aruba Bank ta reconoce su empleado superior pa luna di september



PA Aruba Bank e empleado ta central ora di priminti e clientenan “Un Experiencia Superior”. Cu esaki den mente Aruba Bank ta nomina un empleado ehemplar tur luna. E empleado cu ta escogi t’esun cu durante di e luna a haci su maximo esfuerzo pa brinda momentonan superior na tur esnan cu bishita Aruba Bank of haci uzo di un manera of otro di un servicio di banco.

Othniel Rasmijn a ser selecciona durante di luna di september pa su dinamismo y eficiencia den su area di trabou.

Othniel Rasmijn, IT Services Support Technician, a brinda un servicio superior na clientenan den su area. E ta haci esaki den un tempo record atendiendo su clientenan pa nan por sigui cu nan trabou!

Claro cu e forma aki di bay un “extra mile” pa un cliente no por pasa sin e debido reconocimiento. Su dinamismo, profesionalismo y eficiencia a haci cu el a wordo nomina y reconoci como un empleado superior.

Aruba Bank ta felicita y gradici e miembronan di e famia di Aruba Bank cu a wordo nomina pa cliente y of colega pa yuda brinda tur cliente “Un Experiencia Superior”. Pabien Othniel!

25 Aña di servicio na Giselle Department Store



DIA 1 di october ultimo, Rozalinda Angela a cumpli 25 aña cu el a cuminsa traha na Giselle Department. El a haña felicitacion di staf y personal di Giselle Department Store. Rozalinda a ricibi e acostumbrado envelop, cadeaubon for di man di Greta Posner Figaroa tambe el a haña un wasmachine regalo. Pabien un biaha mas, Rozalinda y cumpli hopi mas 25 aña cu Giselle Department Store.

Recordando Eduardo Rafael Maya Agreda; mihor conoci como: Lalo – Mr. Bugle

E legendario maestro musical y mihor trompetista di Jazz Colombia

*17-01-1946

†25-09-2020



SIMAN PASA Aruba a ricibi e tristo noticia cu e maestro musical y musico legendario sr. Eduardo Maya a bay laga nos, lagando un tesoro musical atras. Pa conta un poco di e trayecto di e gran musico aki. Eduardo Rafael Maya Agreda a nace dia 17 di januari 1946 na Sandoná, Nariño na Colombia.

Eduardo Maya yega Aruba na aña 1968. El a contrae matrimonio cu sra. Felipina Tromp, di cual a nace su 3 yiunan: Nancy, Cynthia y Eduardo Jr. Eduardo. E tabata wordo yama, el Maestro aki na Aruba y na su pais, el Mejor Trompetista y pionero di Jazz Colombia.

Manera cu e noticia a drenta cu Eduardo Maya a fayece por a mira un gran cantidad di reaccion y palabranan di convivencia di parti musiconan tanto local como tambe internacional y muy particular di Colombia caminda e tabata conoci como un di e figuranan mas revelante di e musica di su region, trompetista, arreglista y compositor.

Den añanan 60 el a cuminsa lesnan di musica na su tera natal y despues na Pasto. E ta un famia di 8 ruman homber y na un edad hoben a muda pa Bogota, caminda el a realiza su estudio di musica n'e Universidad Pedagogica y e Conservatorio di e Universidad Nacional.

Despues el a bay New York caminda el a siña e tecnica di improvisacion. Ora cu el a bolbe Colombia el a forma parti di diferente agrupacion musical famoso.

Como tambe el a forma e banda Grupo Maya, cual tabata dedica n'e ritmo salsa caminda el a graba dos album cu Philips y Fonobosa. El a crea proyectonan propio di jazz y funk como Mister Bugle, Camara Jazz y su Caribbean Big Band cual a wordo lanta na Aruba despues cu el a yega y establece su mes. E tabata un artista musical cu a sa di destaca como explorador di e ritmonan manera Jazz Latino, Salsa y Funk.

Aki na Aruba cu su banda Grupo Maya, el a traha hopi aña na Concord Hotel Aruba y ultimo el a traha na Hyatt Hotel. Tambe ela comparti escenario cu diferente grupo y musico na casi tur hotel aki na Aruba, Cas di Cultura, den Aruba Jazz and Latin Music Festival, Caribbean Sea Jazz Festival, Aruba Music Festival y hopi festival mas local y internacional.

Varios di nos artistanan local y como tambe internacional el a yega di comparti escenario, cualnan ta mucho hopi pa menciona.

Na un cantidad di ocasion sr. Eduardo Maya a forma parti di orkestra nacional y a comparti su talento y demostra su stimacion pa nos pais y cultura durante manifestacion cultural riba Dia di Betico y Dia di Himno y Bandera riba Plaza Libertador Betico Croes.

Diabierna 2 di october tabatin su despedida, y despues lo hiba su shinishi Colombia, na unda ta bay tin un homenahe pe. Eduardo, su shinishi ta bay Colombia, pero su recuerdonan ta keda Aruba, na unda el a biba un gran parti di su bida y cu su curazon Arubiano.

Minister di Cultura sra. Xiomara Maduro ta gradicisufamiapapora comparti Eduardo cu pais Aruba caminda el a comparti su talento musical alegrando y treciendo ambiente pa nos local y bishitantenan. Palabra di condolencia na su yiu Nancy, Cynthia y Eduardo Jr. y henter famia, amigo, conocirnan, su ex-estudiante- y coleganan musico. Hopi forsa n'e momento aki. Cu e legendario maestro musical Eduardo sosega na paz den Reino di Señor.

UN SNECHI DI PALABRA DI DIOS


XXVII DIADOMINGO DEN AÑA 4 di october 2020 Nr. 279

I lect: Is 5, 1-7

Salmo: 80

II lect: Fil 4, 6-9

Evangelio: Mt 21, 33-43



Den e tempo aya Hesus a bisa hefe di e sacerdotey ancianonan di pueblo lo siguiente: “Tende un otro parabola aki! Un dia tabatin un doño di cunucu cu a planta un hofi di wendruif. El a cer’e cu un trankera y traha un baki pa machica wendruif. Tambe el a traha un toren di vigilancia. Despues el a huur e hofi cu algun cunukero y a sali di biahe. Ora tempo di cosecha a yega, el a manda su sirbidonan bay tuma su parti cerca e cunukeronan. Sinembargo, e cunukeronan a gara e sirbidonan; nan a duna uno un hala di sota, un otro nan a mata y un di tres nan a piedra. Al fin al cabo e doño a manda su yiu. El a pensa: ‘Mi yiu si nan lo respeta!’ Ma ora e cunukeronan a mira e yiu, nan a bisa otro: “Esun aki ta e heredero! Ban, laga nos caba cu ne, ya nos ta haya su herencia!”

Nan a cog’e tene, tir’e pafo di e hofi y mat’e. Ora doño di e hofi yega, kico lo e haci cu e cunukeronan?” Nan a contesta: “Lo e percura pa e malechornan ey muri un mal morto y pasa e hofi pa otro cunukero, cu lo dun’e su parti na ora di cosecha.” Hesus a bisa nan: “Nunca boso no a lesa e palabranan aki den Escritura? E piedra cu e trahadonan a rechasa, a bira piedra principal; tatrabou di Señor esey, algo milagroso pa mira! P’esey Mi ta bisa boso: Lo kita reino di Dios for di boso y entreg’e na un pueblo cuta duna fruta.”

Palabra di Señor!

MENSAHE

Hofi di wendruif di evangeliodi awe ta henternos mundo.

Den realidadnos ta huursuespacio y facilidadnan y e no ta nospropiedad. Hofi di wendruif cu nos a ricibi di Dios tambe ta: nosbida, curpa, salud, capacidad, tempo ...

Tochhopihende ta bibacomopropietarionan di mundo.

Abortistanan ta reclamanan derechoriba nan curpa. Egoistanan

no tin tempo pa otro. E hendenanaki ta kere cu mundo, curpa, tempo ta nan propiedad. Dios ta mandasumensaheronan; sacerdote-, educador-, mayornancristian pa siña y spiertaotro cu cada un di nosmesterdunacuenta con nos a uza e mundoaki, con nos a uzanoscurpa, talento y nos tempo. Hopi hende ta bibacomosifuera Dios no ta existi. Nan ta protesta contra normanancristian, contra moral y etica cu Hesus a siña nos. Di e maneraaki nan ta comportamaneracunukeronan di evangelio di awe. Nan ta rechasatantomensaheronan di Dios como persona di Hesusmes.

Den nosmundomodernoHesus ta kedarechasa, maltrata, elimina. Hende kier bibana nan manera, sin compromiso, sin dunacuenta.

Kico Dios lo haci cu hende cu no ta respetasu ‘hofi’?

Evangelio ta anuncia un castigo – un mal morto. Hendepormatamensaheronan di Dios y rechasa nan, pero nan no pormata palabra di Dios. Nan porsacaHesusfo’i nan bida, pero nan no pormat’e y dia di huicio nan lo trompicaribadje.

Hesus ta e piedra principal rechasa pa trahadonan, esnan cu ta rechas’E lo trompicaribadjE.

ORACION

SeñorHesustene misericordia cu nos rumannan den Cristo cutasufripersecucion. Duna nanforsapaapesar di circunstancianan adverso sempnan por confia den Bo.

PROPOSITO

Trata tur cos cu nos tin comopropiedad di Dios.



Nobena y fiesta patronal parokia Birgen di Fatima Dakota

Parokia Birgen di Fatima Dakota den nomber di Pastoor Jozef Pelc, ta invita tur deboto, parokiano y pueblo di Aruba en general pa asisti na su nobena na honor di La Birgen di Fatima, cuminsando diadomingo awor 4 october te cu dialuna 12 october 2020.

Tur dia nobena lo ta pa 6.15 di atardi sigi pa S.S. di Misa pa 7'or, cu excepcion di diadomingo 4 y 11 october cu ta cuminsa pa 5.15 pm y S.S. di Misa lo ta pa 6'or atardi. Diamars 13 october fiesta patronal ta cuminsa cu Santo Rosario pa 6.15 pm sigi pa Santo Sacrificio di Misa Solem pa 7'or anochi.

Por favor tene bon cuenta cu durante e dianan di nobena lo NO tin misa den siman mainta pa 8'or.

Rumannan, laga nos bini hunto y pidi nos Dushi Birgen di Fatima su interseccion pa Señor elimina e pandemia aki, y alabes scucha tur nos pidimentonan treci durante e dianan di nos nobena aki.



Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu hopi tristesa nos ta anuncia cu a bay laga nos den
brasa di Señor:



Hector Rafael Uribe-Morotona

"El Pelon"

*25-10-1953 - †29-09-20

Na nomber di su:

Esposa: Seria Bautista de Moronta

Yiunan: Hector Luis Uribe

Arelis del Carmen Uribe

Arelis Gisel Uribe

Miguelina Uribe

Cristina Uribe

Nietonan: Grismaldi, Luizion, Ziondrick, Jacqe Eisdén,

Yeremi, Yenelee, Seriany

Rumannan: Serbio Uribe-Moronta

Arlene Uribe-Moronta

Palilo Uribe-Moronta

Ramon Uribe-Moronta

Jovanny Uribe-Moronta

Siomara Uribe-Moronta

Ihanan: Orlando Mora-Bautista

Aneurys Mora-Bautista

Sandra Mora-Bautista

Mama di su yiunan: Milagros Rodriguez-Valdez

Demas amigonan, conocirnan, bisiñanan y demas famia.

Ta invita pa acto di despedida na Aurora Funeral Home

diasabra 3 di oktober 2020 di 3'or pa 5'or di atardi.

Cremacion lo tuma lugar despues.

Nos disculpa si den nos tristesa nos a lubida algun famia
of conocir.

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu honda pena, pero conforme cu boluntad di Dios,
nos ta anuncia fayecimento di nos difunto stima:



Stella Helena Henricus-Wernet

*14-08-1948 - †01-10-2020

Acto di entierro lo wordo anuncia despues

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibamina awa trankil,
Pa mi bolbe haña forsa".
Salmo: 23

Nos ta anuncia fayecimento di:



Alexis Marinus Petronia

Mihorconocicomo "Alex" of "Ali"

*15-04-1939 - †01-10-2020

Acto di entierro lo wordo anuncia despues.

Awe diasabra na TeleAruba

Documental tocante burico di Bonaire


Royal Aurora
Funeral Home & Crematory

Ki alegría, ora nan a bisa mi:
"Ban cas di Señor!"
I awor, ata mi aki para nabo porta Señor.
Salmo 122

Cu tristesa na nos curason nosta anunciafayecimento
cristianamente yinesperadamentedi nos: Mama, Ruman,
Tanta,Sobrina, Amiga, Colega y Madrina:

**XIGNARA
AGNISKA
TROMP**

Miho conocicomo: "SIKI"
*14 October 1971-†11 September 2020
Na number di su
Mayornan: †Serapio Ramon "Cochi" Tromp y †Seferina "Tatichi"
Tromp-Tromp
Compañero: Alexandrino "Dino" Cardenas
Yiu: EugemarGeerman y ShanttyWernet
Suegra: Ursula Zimmerman y famia
Rumannan: Magali y Richard "Andre" Maduro-Tromp y famia
Ginette "Gini" Tromp
Belkys Tromp y Paulus Rodriguez y famia
Ramon Tromp y Famia
Harold y Lourdes Tromp-Croes y famia
Swa: EldrickSilvania y Francine Franca y famia
Subrino(a)nan: Frangeline Riley y famia
Joanna Riley y Roderick Bislip y famia
Andreina Maduro y Russel Danje
Tiany Maduro
Faiza Tromp y Ray Marin y famia
Amir Tromp y Niki Hamers y famia
Anna Maria y Rogelio Croes-Tromp y famia
Nathaly y Alex Dasburg-Tromp y famia
Lisette y Richard Dasburg-Tromp y famia
Marylou y Moises Fernandez-Tromp y famia
Alexandra Tromp.
Tanta y Omo: Agapito "Piet" y Edith Tromp-Evertsz y famia
Ina Tromp y famia

Manera un Tanta y Omo: Vdo. "Papa" Joon Kelly y famia
Vda. Flora "TanchiFoi" Croes-Kelly y famia
Madrinanen: Ina Tromp
Bernadeta "Deta" Maduro-Tromp
Suconsehero-amigo-ruman-colega:Oti Buddy
Amigananmaneraruman: Rosemary Giel
Gina Erasmus
Vanesca Tromp
Amiga(o)nan di cas: Charlotte Quandt, Dito Mateo,
Derwin y Francia Kemp-Monasterio, JesmineSchwengle.
Prima(o)nan maneraruman: Beto Fingal, Lito Kelly,
Toni Kelly, Mary y ChikiDijkhoff-Trimon, Sobella Lampe.
Iha nan: Jelwayne Kock, Danny, Sheldwayne Lampe, AshlineDijkhoff
Stimamaneraun mama: Margarita Cordoba-Arendondo y
famiana Colombia

Tur sucolegananstima di Accounting Dept. y tur otro Dept. di Barcelo
Hotelcu tahopi pa menciona.

Tur su amiga(o)nan cu tamuchohopi pa mensiona, "Tanki Flip Boys",
Suclientenan di "VTC Lottery Dakota"

Famia: Tromp, Cardenas, Geerman, Wernet, Zimmerman, Maduro,
Rodriguez, Croes, Riley,
Bislip, Danje, Marin,Hamers, Dasburg, Fernandez, Evertsz, Fingal, Dijkhoff,
Trimon, Kelly, Lampe, Silvania, Franca, Semeleer, Britten,
Figaroa, Iopez, Quevedo, Brito, Kock, Falconi, Giel, Erasmus, Kemp,
Monasterio, Shwengle, Quandt, , Mateo, Gavidia,Buddy,Paalman,
Holsman, Vos, Hek, Colina, Ridderstap, Rojer, Rijdsdijk, Dutz, Curiel, Ras,
Sanchez, Martinus, Hernandez, Vrolijk, Boekhoudt, Sprock, Victoria,
Franken, Rosel, Flanegin, Cordoba-Aredondo, Cano de Valencia, Yagua de
Gonzales, Rijdsdijk, Dutz, Sanchez, demasfamianaColombia, Venezuela,
Hulanda y Costa Rica.
Subon bisinja nan y demasfamia y conocer nan ta invitapa e actodi
entierrocu lo tumalugarDiasabra 3 October 2020, na un forma di drive
thru di 9.00 am – 10.45 amna Aurora Funeral Home.Despues pa Santana
Caticolicono Noord.

Nos kier a pidinosdisculpasinos por a lubida un of otrofamia den nos
tristeza.
DEBI NA COVID NOS NO TA ACEPTA CONDOLENCIA
EN CONECTION CU PROTOCOL DI COVID NO TA PERMITI PA BAHAFOR DI
AUTO.
POR SIGI E COBERTURA COMPLETO DI ENTIERRO VIA LIVESTREAMING
ARIBA FACEBOOK PAGE DI "Obituario Aruba"

"AWOO...RECORDA MI SEMPER E MOMENTO NAN CU NOS A COMPARTI
CU OTRO"
"SIKI"



KRALENDIJK – Awe diasabra pa binti pa tres di atardi TeleAruba ta pasa un documental tocante e buri-co Boneriano, cu ta hopi den noticia e último añanan, pa motibo entre otro di plannan pa na aña 2030 e animal aki no ta mas riba Bonaire. Fundashon Histórico Kultural Boneriano (FuHiKuBo), miembro NGO pa herencia intangibel, a producí e documental aki, titulá ‘BURIKU - Patrimonio Nashonal’.

Equus africanus africanus ta un di e antesesornan di e burico domestico seis mil aña pasá.

Na Ingles nan ta yam'é 'Nubian ass',
pa motibo cu su habitad original,
su lugar di biba, tabata e desierto
Nubian, situá den e parti nortost di
Sudan, for di oost di e riu Nilo te
Laman Còrá, zùid di e riu Atbarah
y nort di Eritrea.

Na 1499 Amerigo Vespucci ta yega Bonaire. Spañólan no tabata ma-sa interesá den Bonaire na cumin-samentu. Mescos cu Còrsou y Aru-ba, nan a declará Bonaire como isla inútil.

No tabatin oro, no tabatin placa. Ta despues di 1527 numa Spañónan, despues di a establecé nan base na Bonaire, Rincon, como parti di e capitania Curaçao, ta cuminsá dedicá atencion n’e isla.

Nan ta importá bestia di cria mane-
ra cabrito, baca, cabay y.... burico.
Specialmente cabrito y burico a
bira parti di e patrimonio natural y
cultural-histórico di Bonaire.

Aparte cu atrabes di siglonan a usa burico como bestia di carga na Bonaire mes, a exportá e animalnan aki.

Bòi Antoin, kende a traha e documental aki hunto cu su ekipo di FuHiKuBo, a papia cu specialmente hende grandi di e isla aki tocante uso di burico, mansamento di burico, sorto di burico y hopi detaye mas. Durashon di e documental ta mas o ménos 1 ora cu 15 minüt. E ta pasa awe diasabra 3 di òctober pa binti pa tres (14.40) na TeleAruba.

Burico a bira parti di Bonaire, usá ántes como medio di transporte.

Caso a pasa 3 aña pasá na Bonaire

Dòkter di Cas condená pa relacion íntimo cu pashènt

KRALENDIJK-- Dòkter di Cas, Palmino C. a aparecé diarazon último 30 di sèptèmber dilanti di Hues den Corte di Promé Instancia pa motibu ku el a kometé un hecho kastigabel.

Ministerio Públiko a akusé di komportashon ku a falta di étika ku un pashènt di su konsultorio.

Abogado mr. Marije Vaders a defendé e akusado via di vidio conferènce. E víktima i su abogado mr. Olga Kostzrewsky tambe tabata presente via di vidio conferènce.

E abogado a splika ku e víktima no a entregá petishon pa daño di perwisio, pero ku e lo hasi esaki via di un prosedura sivil.

Di akuerdo ku e prosèsverbal riba 17 di mei 2017 e dokter a palabrá ku e víktima pa nan topa otro pafó di e práktika di dòkter pa un enkuentro amoroso.

Huntu nan a bai na un sitio apartá for di mundu sivilisá i aki e dokter lo a sunchi i fula e víktima. Na e momentunan ei e víktima tabatin 18 aña di edat i tabata kore stage na e práktika di dòkter di dòkter Palmino. Banda di esei e víktima tabata registrá na e práktika di e dòkter aki komo pashènt.

E dokter a deklará ku den su ofisina ya pa algun tempu kaba tabatin spekulashonnan di e stager. Pesei ela aserká i puntra e víktima si e víktima ta interesá den dje komo hòmber.

Despues di esei nan a palabrá huntu pa topa otro pafó di e práktika di e dòkter pa un enkuentro romántiko. E víktima a deklará den Corte cu e akusado a sunchi'e, pero nada mas.

E dokter a desmentí tur e akusashonnan di relashon seksual ku e víktima. Tambe el a duna di konosé ku e víktima no ta bon i ku for di su nasementu e ta su pashènt.

Tambe ku e mes a referí e víktima pa un sikólogo.

Den promé instansia Ministerio Públiko a seponé e kaso aki i straño dje kaso ta ku e víktima a duna denuncia 9 luna despues di e suseso.

Segun Fiscal di Ministerio Públiko mr. Blanco esaki tabata pa motibu ku e víktima tabata hopi afektá p'e suseso aki i despues ku el a haña sosten di su alrededor el a tuma e desishon pa duna denuncia.

Ora ku Ministerio Públiko a archivá e víktima a entregá un keho kontra di e desishon aki.

Korte a dun'é rason i Ministerio Públiko mester a trese e kaso dilanti di Hues.

Fiskal mr. Blanco a duna di konosé ku e kaso aki ta un hecho hopi serio. Komo ku e dòkter a pasa e límite di su huramentu profeshonal i komo ku e akusado ta 40 aña mas grandi ku e víktima, OM a pidi un kastigu di 12 luna di prizon pe dokter. di kual 6 luna ta kondishonal ku un tempu di prueba di 3 aña.

Banda di esey prohibishon pa funshoná komo dòkter pa un periodo di 2 aña.

Hues mr. van Lieshout a konsiderá ku e relashon seksual probá i komo ku e dòkter a komportá su mes kontra étika i normanan sosial, e Hues a kondená e dòkter di kas Palmino na un kastigu di prizon kompletamente kondishonal di 4 luna ku un tempu di prueba di 3 aña. Banda di esaki ela haña kastigu di trabou di 240 ora. No a hasi menshon ku e no por praktiká durante dos aña.

Ounke kasonan kaminda un dokter a keda kondená pa relashon seksual inapropiá ku un pashènt, mas ku 30 aña pasá tabatin un dokter di kas na Kòrsou ku tabata praktiká den Breedestraat di Otrobanda, kende a keda kondená na kastigu di prizon p'e multiple biahanan ku el a tene relashon seksual ku su pashèntnan.



Ricibi AweMainta tur dia den bo Inbox

Registra awo!
Manda bo e-mail na
noticia@awemainta.com



GRATIS

Ansary ta bolbe invitá Jardim....

Bin ku prueba ku a saka 700 mion florin for di ENNIA!

WILLEMSTAD - Tur kos a indiká ku e direktor di Banko Sentral di Kòrsou i Sint Maarten, Jose Jardim ta hinkando su mes den un labatiba monumental den loke ta parse e mishon ku ela asumi den bida pa kombati e propietario di ENNIA, sr. Hushang Ansary, kende a reakshoná fuertemente kontra Jardim komo kontesta riba e mensahe ku Banko Sentral a emiti antayera kaminda e ta akusá e magnate di a krea strukturanan intransparente fo'i bista di Banko Sentral pa kousa daño finansiero a rason di 700 mion florin na ENNIA, kompania di kual famia Ansary ta 95% doño.

Ansary a bolbe rechasá e alegashon aki komo absurdo i ku e ta rechasá kategorikamente.

Awe Ansary a rekordá Jardim i outoridatnan di gobiernu i publiko en general di tantu Kòrsou komo Sint Maarten ku ningun akshonista, ni direktor ni komisario inkluso señor Ansary mes tin outoridat pa firma pa saka kualke suma, grandi of chikitu, for di kuenta di banko di ENNIA pasa pa otro kuenta.

Hamas a kibra e regla aki i no tin manera pa eskivá e regla tampoco.

E uniko manera pa saka sea 7 of 700 mion florin for di kuenta di banko di ENNIA manda pa kuenta di kualke hende, akshonista, komisario of terser persona, ta pa dos komisario instrui e banko kaminda ENNIA tin su fondonan, pa pasa kualke suma pa kuenta di un akshonista of kualke otro persona.

Ansary i su representantenan na kantidat di okashon a pidi Jose Jardim pa presenta e kuenta pa proba loke e ta pretendé.

El a priminti abogado Richard Gibson diferente biaha ku e ta mustra nan e prueba di transakshon di miones den un siman i despues a pidi pa duné mas tempu i asina lunanan a pasa sin ku ela manda prueba.

A pesar di su frakaso total pa proba ku a saka 700 mion florin for di ENNIA, Jardim ta kana proklamá e alegashon absurdo for di tur skina tur momento, na lugá stòp di lansa e akusashonnan falsu ku ta debilita e kredibilidat di Banko Sentral komo instituto respetabel.

Pa loke ta Jardim ta pretendé ku Ansary a krea strukturanan no-transparente fuera di bida di Banko Sentral, Ansary ta rechasá e alegashon aki kategorikamente.

Awe Ansary a bolbe hasi un apelashon publiko riba Jardim pa publiká detayenan di su deskubrimentu misterioso i mustra e supuesto dokumentonan pa tur hende mira.

E iniciativa nobo di Jardim pa asumi e ròl di gerente di ENNIA den un kaso nobo, ta un kortina di humu ta nada otro pa despista atenshon for di su frakaso total pa kumpli ku e mandato ku ela pidi i haña den Korte di emergensia di 6 di yuli 2018.

Riba e dia ei Banko Sentral a informa Korte ku ENNIA ta finansieramente sano i tur loke nan mester pa restrukturá e kompania den seis luna ta 100.000 florin ku despues a bira mei mion florin.

No solamente Banko Sentral i Jardim no a kumpli den e limite di tempu i a surpasá e presupuesto di mei mion florin pero a gasta hopi mion dòler.

Desde ku Banko Sentral a 'take over'....

Jardim a pone ENNIA a pèrdè miones di dòlar

WILLEMSTAD - E magnate Hushang Ansary no tin apsolutamente ningun bista ta ken t'esnan ku a benefisia dje mionnan aki i kiko tabata e servisio ku nan a presta pa a kobra montantenan haltu asina, ku eksepsyon di a benefisiá e persona ku ta personifikando gerensia di ENNIA ku ta 100% di Ansary. Den e periodo tras di lomba, ENNIA a pèrdè hopi mion dòler na propiedat ku a pèrdè balor kombiná ku pèrdida di kliente dje merkado grandi ku ENNIA tabatin promé ku Jardim a bin den 'picture' loke tabata un menasa pa interes dje klientenan.

Nunka antes e klientenan tabatin un problema ku ENNIA sino mas bien e empleadonan a benefisia di un oumento di salario di mas ku 100% den 10 aña.

Un hecho di importansia monumental ta pa repasá tur e datonan

aki i rekordá ku dia Ansary a tuma e kompania over nan a risibi un kompania ku propiedat positivo di 900 mion florin serka Delta Lloyd na yanuari di 2006.

Te akshonistanan Merikano a inyektá kapital i a preservá e ganashi i e ganashi ku e grupo di kompanianan a traha bou di Ansary tabata muchu mas ku e gastunan di dividendo, pago na gerensia i hunta di komisario.

Na final Ansary ta hasi un apelashon urgente riba Banko Sentral pa aselerá e restrukturashon ku ta konta ku apoyo i partisipashon di e akshonistanan Merikano i miembronan di gerensha kalifiká. Tur esaki por sosodé den dos siman i lo kumpli ku satisfakshon di Banko Sentral apesar dje reto di ambiente di Corona ku a reina.



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL

BONERIANO®

EDITOR:
Bonaire Communication Services N.V.

Djabièrnè 2 òktober 2020 | Preis: \$0,60


NO MISHI KU HENDE VULNERABEL

Poster ku instrukshonnan di Covid-19



“No hiba bo yu na un akohida pa mucha si e ta tosa òf ta ferkout.” Esaki i otro instrukshon pa mayor i muchanan tin riba dos poster ku departamentu di Salubridat Públiko di EPB a laga kologá na diferente akohida pa mucha (krèsh). Riba e posternan tin tambe instrukshon pa mayornan ki ora e yu por bolbe bini skol. Den páginanan interior di e edishon aki di BONERIANO tin mas foto i informashon.

KARA BONERIANO



Joshua Winklaar, tin 16 aña di edat. Riba sosial media e ta konosí pa hopi hende bou di e nòmber Wònka. E ta un hungadó di biar.

**BOTIKA NA
WARDA
BOTIKA
SABANA
DJADUMINGU
04 OKT 2020
10:00 - 18:00**

CHANGAN

www.dabboussimotors.com
f /dabboussimotors

\$10 PER SQM **LOCKDOWN PRICES**
VALID ONLY THIS WEEK

GARTISH #1
TEGELWERK BONAIRE N.V. *on the island!*

Kaya Bongo 8b | Tel: 717-8707
gartistegelwerk | Like our page to stay updated!

NAPA
Bonaire
SINCE 1986

LIVE FM 99

E ta bira independiente den Konseho Insular

Daisy Coffie ta kibra ku MPB

KRALENDIJK – Mane-
ra tabata spera, miembro di
Konseho Insular, Désirée
(Daisy) Coffie, no ta forma
parti mas di partido Move-
mentu di Pueblo Boneria-
no, MPB, ni di e frakshon
di MPB. Entrante 30 di
sèptèmber el a retirá for di
MPB i a bira miembro in-

dependiente den Konseho
Insular. Asina e konsehal
ta skirbi den un karti di-
rigí na direktiva di MPB.
E ta bisa ku e Kolegio Ehe-
kutivo aktual por konta si
riba su sosten basta ku ta
kumpli ku kriterionan di
bon gobernashon i interes
general. “Lo mi sigui den

mi funshon komo miembro
independiente di Konseho
Insular di Boneiru i asina
kumpli ku mi responsabili-
dat na bienestar di pueblo di
Boneiru en general. E Ko-
legio Ehekutivo aktual por
konta ku mi sosten pa tur
loke ta kumpli ku kriteri-
onan di bon gobernashon i



Tin 3 kaso di Covid-19 a bini aserka

KRALENDIJK -- Riba
promé di òktober tin 69
kasu aktivo di Covid-19 na
Boneiru. 36 Persona a reku-
perá i 3 persona ta interná
den hòspital. E personanan
ta informá i ta den isola-
shon.

Un hòspitalisashon rela-
tá na Covid-19 no ta nifiká
ku outomátikamente ta bai
kuido intensivo i/òf ku ta

hasi uzo di un di e 7 apar-
tonan respiratorio optenibel
pa Covid-19.

Por sosodé ku person-
anan mester di kuido i me-
dikamentu ku no por duna
den un situashon na kas.
Esaki por ta e kaso tambe
ku malesa ku no ta relatá na
Covid-19.

Bo tin keintura, doló di
garganta òf kualke otro sín-

toma relatá na Covid-19 ?
Keda bo kas i yama 0800-
0800.

Mantené e instrukshon-
nan di higiena. Kome salú,
drumi sufisiente i move
regular pa hisa bo resisten-
sia. Kuida bo mes i esnan
rondó di bo.

#PreveníCorona #coro-
naBonaire #coronaBoneiru

interes general”, Coffie ta
skirbi den su karta.

Malkontentu

Tur esaki ta kulminashon
di e malkontentu ku a surgi
serka e konsehal, pa motibu
di e desishon ku partido, na
su opinion, a tuma sin nin-
gun klase di konsulta ku su
persona. Esta e desishon pa
nombrá Renata Domacassé
komo lider di frakshon di
MPB den Konseho Insular.
Pa e motibu akí Daisy Cof-
fie ta sintié masha ofendí.
E ta konsiderá direktiva di
e partido intransigente den
esaki, ya ku no a krea nin-
gun espasio pa un solushon
husto i rasonabel.

Banda di esei partido
no tin fin di hasi un reorga-
nisashon interno den par-
tido. Algu ku ya for di 2017
Daisy Coffie ta bisa di ta
boga pe. Sinembargo te awe
esaki no a tuma lugá.

Mas leu e ta haña tambe
ku no ta tene kuenta ku su
opinion den e desishon di
partido, ku e ta yama uni-

latera. E ta haña ku partido
ta demostrá ku direktiva no
tin konfiansa den su per-
sona. Muestra di esaki ta
tambe kartanan ku su kole-
ganan di frakshon a manda
pa presidente di Konseho
Insular tras di su lomba.

No tin Rekonsiliashon

Daisy ta para riba ku
mester drai e desishon bèk
i restables’é den e funshon
di lider di frakshon. Komo
ku partido ta keda para riba
su desishon, pa Daisy Cof-
fie no tin espasio mas pa
rekonsiliashon. P’esei no a
ked’é nada otro di informá
partido ku e ta tuma su reti-
ru komo miembro di MPB.

Pa loko ta trata su asiento
den Konseho Insular, Coffie
ta skirbi ku e ta sigui komo
miembro independiente di
Konseho Insular. Kolegio
Ehekutivo, lesa e gobièrnu
akí, por konta ku su sosten
pa tur loko ta kumpli ku
kriterionan di bon gober-
nashon i interes general.



A tarda pa atendé kasonan di violashon

Despues di 4 aña akusadonan dilanti hues

KRALENDIJK – “Inkomprendibel ku ta dura 4 aña pa trese un kaso dilanti korte, miéntras ku tin un denuncia”, hues van Lieshout a bisa djárasen último den Korte den Promé Instansia. Ta trata di e kasonan den kual 2 vigilante di seguri-

dat a violá un dama ku ta kliente di FKPD.

E aktonan seksual a tuma lugá den 2016 i aunke e direktor di e instituto a hasi denuncia, no a persiguí e malechornan. Ta te despues ku a kondená un otro persona pa kometé

mesun aktonan aki na aña 2019, a para ketu na e 2 otro funshonarionan di seguridad. Básikamente pasobra e último malechor a bisa “dikon ami si i otro nan nò”.

Fiskal mr. Blanco no a splika dikun Ministerio Públiko no a atendé e ka-

sonan anteriormente. “Na momentu ku ami a haña e dos dosiènan den man, mesora mi a kuminsá traha riba nan”, el a bisa.

Hues a splika ku segun lei na momentu ku muchu tempu pasa pa atendé un kaso, outomátikamente tin

ku rebahá e kastigu. “Si lo a kondená e hòmbènan for di 2016 probablemente e otro ni lo a pensa pa kometé e mesun akto aki”, hues van Lieshout a bisa.

“Esaki ta un asunto hopi malu”.

Groningen ta bolbe ataká den Region Karibe

Dos gòlpi duru pa trafikantenan di droga

KRALENDIJK -- S.M. Groningen a bolbe stòp 2 transporte di droga den Region Karibe. Ta trata di e di 4 i di 5 kaptura dentro di un luna. Djasabra pasá e barku di Marina a intersepá kasi 284 kilo di droga i djaluna asta 1.720 kilo di kokaina i 29 kilo di kristal di metanfetamina. Dos gòlpi duru pa trafikantenan di

droga

Kuantu bèrdaderamente kita for di riba merkado no por ser bisá ku siguridat. Último fin di siman durante e kaptura, e sospechosonan a logra tira tur kos for di bordo den laman, promé ku por a para e boto. Sigur 284 kilo a saka for di den awa.

E presunto kontrabandistanan a dùmper e

karga di nan ‘go-fast’ na momentu ku nan a mira un helikòpter di e barku di Marina Ingles RFA Argus. Despues nan a baha na katusa, pero dos boto di tipo FRISC a persiguí nan. E botonan di intersepsion rápido aki a keda desplegá pa Groningen.

Ademas di e kargamentu ku a saka for di den laman, no a haña droga na bordo. A entregá e tres sospechosonan na Wardakosta Merikano.

Dòbel gòlpi

Djaluna atrobe tabata un gòlpi. Huntu ku RFA Argus

i su helikòpternan, e barku di patruya di Marina, un biaha mas a obligá un ‘go-fast’ pa stòp.

Tambe e biaha aki e FRISCnan di Groningen a persiguí e sospechosonan. Na e barku di droga a enkontrá varios bulto di kontrabando. Den e intersepsion aki a tuma e kokaina i e kristal di metanfetamina den beslag.

S.M. Groningen desde yüli 2020 ta e barku pa-

truyero aktivo den Region Karibe. E barku ta kombiná operashonnan kontra trafikashon di droga ku sosten na Wardakosta di Region Karibe.

E luna aki Groningen a sa den koperashon ku partnènan internashonal, den e promé tres akshonnan, di interseptá en total 1 tòn di kokaina.

E total di e luna aki ta suma pues e ora ei masomenos 3 tòn.



Gezaghebber Edison Rijna

Medidanan nobo ta bon analisá

KRALENDIJK – Gezaghebber Edison Rijna, relashoná ku e ordenansa di emergensia nobo ku a drenta na vigor entrante djamars, ta enfatisá ku esaki a tuma lugá a base di análisis profundo. “Nos a wak e kantidat di infekshon, e klùsternan i lugánan kaminda infekshon ta tuma lugá. A base di esei nos por a pone medidanan mas dirigí drenta na vigor. Esaki ta nifiká ku pa algun sitio tin medi-



da ménos estrikto ta konta. Pa motibu di e hopi infekshonnan ku a tuma lugá den esfera di trabou, ta hopi importante sí pa personanan traha na kas mas tantu posibel”, Rijna a bisa durante su konferensia di prensa djárasen atardi.

El a bolbe referí na e inkietut ku ta reina partikularmente bou di sierto mayornan ku no kier manda nan yunan skol i ta boga pa sera skolnan. Gezaghebber: “Mi a nota ku tin hende no

ta haña e medidanan aki sufisientemente estrikto, por ehèmpel pasobra nan ta preokupá ku e salú di nan yu i mayornan.”

Di otro banda tin hende tambe ku por ehèmpel pa miedu pa ku nan entrada, ke un suavisashon di e medidanan.

Rijna ta bisa di tin kompreshon pa ámbos banda. E ta hasi un apelashon pa keda den kombersashon ku otro i huntu buska solushonnan.



Bestia komo plato

Kada pais tin nan platonan típiko. Den un pais nan ta kome por ehèmpel vruminga, den otro pais nan ta kome djaka. Tin kaminda ku nan ta kome pushi i kachó, miéntras ku na otro partinan di mundu hende ta kome yuana òf makaku.

Roland por ehèmpel, un trahadó haitiano ku den pasado a traha den kunuku di mi amigu Robby Beukenboom, a yega di konta nos kon den su pais ta masha normal ku nan ta kome pushi. Pero el a asentuá ku no ta trata sí di pushinan ku ta kana pa nan kuenta riba kaya, sino pushinan kriá nèchi i limpi den kouchi, meskos ku ta kria konènci.

Un konosí chines di mi a bisa ku karni di pushi ta un plato masha normal den su pais. Kachó tambe nan ta prepará pa konsumo den e pais ei. Asta por konsiderá nan komo un delikadesa.

Si bo mira bon, no tin masha diferensia entre un pushi òf kachó i un porko. Na mi konseptu, un porko ta musta mas 'difísil' pa bo kome ku un pushi òf kachó. Pero nos ta manda nos pòrchòp, rabu i spèreps abou manera ta kos di mas normal ku ta eksistí.

Un persona ku ken mi sa kombersá hopi riba komementu di bestianan straño ta Jay Havisser, mi amigu arkeólogo, ku a sigurá mi ku tempu ku el a yega Kòrsou nobo nobo el a kome kododo. E mes a prepará algun kododo den fòrnu dòrná ku anasa. El pensa ku si ta kome yuana, e no ta mira pakiko no por kome tambe kododo.

Jay a kontá mi tambe ku el a yega di kome karni di makaku serka un tribu indjan den selva na Venezuela. Ora di kome e dedenan dje animal sí su kurpa



a kue rel un tiki.

Mi mester atmití ku mi no tin problema pa kome platonan típiko di niun pais, basta e plato ta prepará na un manera desente si. Ademas, si ta karni di kachó òf pushi, no bisa mi, sino laga mi kome. Despues di un par di dia por bisa mi libremente numa.

'Cuy'

Durante un fakansi na Quito, Ecuador, m'a haña mi ta kome un bestia ku sea ta famia di pushi òf djaka. Esaki a sosodé despues ku nos – Danielson mi yu, Erika mi ruman, Amir, Nery, Robby i Lucia – a bishitá Baños, un siudat chikitu den besindario di Quito..

Bayendo bèk Quito despues di e bishita na Baños, Carlos Montalvo, nos guia, hòmbèr di konfiansa, a bisa ku nos ku e lo pasa den un siudat yamá Ambato pa kome 'cuy'. Nos no por a komprondé, ni maske kuantu el a splika, kiko ta 'cuy'. Ami pober aki, ku un spaño na nivel un tiki asina so mas haltu ku esun di Campo Alegre i Pachi ta papiá, a kere ku ta un para nos lo a bai kome. E palabra 'cuy' en todo kaso a pone mi pensa riba kui, e trampanan ku kua sa kue patrushu, yiwiri, totolika, etc.



Cuy bibu. Famia di djaka òf pushi?

Ambato (su nòmber ofisial ta San Juan de Ambato) ta un siudat den sentro di Ecuador, situá riba bankinan di e riu Ambato. E ta kapital di e provinsia Tungurahua. Ambato ta ubiká na 2577 meter di altura i e tin un kantidat di 154.000 habitante masoménos.



Cuy riba grel.

Despues di keda kore un ratu den Ambato, Carlos a para su bús ku su bonerianonan dilanti un restaurant krioyo spesialisá den preparashon di 'cuy'. Manera nos a drenta, nos a mira algun bestia ta drai na spet riba karbon. Un bestia un tiki mas grandi ku un djaka i mas chikitu ku un pushi. Mayoria di e hendenan den nos grupo, specialmente e hende muhénan, a trèk un kara fis. Algun a distansiá nan mes mesora for di e restaurant, miéntras ku esnan ku a keda a sinta ku lomba for di e kushina habrí den kua bo por a mira e bestianan aki, ku a resultá di ta e famoso 'cuy', ta lora na nan patarata grandesa riba kandela.

Duda!

Ami tin e reputashon di ta kome tur kos, basta ta kos di kome. Mi filosofia, kisas robes, ta ku si otro hende a kome algu i keda na bida, mi tambe lo mester keda na bida si mi kom'é. Pues mi no tabatin niun problema pa ataká un pida cuy, pero serka

Robby sí, ku sa plei masha tòf tin bia, m'a nota sierto duda. Pero e no kier a pèrdè kara serka mi i e tambe a òrdu cuy, meskos ku mi.


Mi mester bisa ku e cuy a baha bon. Loke ta duna bo un tiki rel sí ta e pianan dje animal. E pober bestianan ta manera a trèk nan dedenan den nan agonia di morto.

Nos a keda ku gana di mira un cuy bibu, pues den su estado natural. Especialmente e echo ku e parse, soyá i riba kandela, un djaka, a lanta nos curiosidat.

Miéntras nos tabata sinta kombersá riba loke nos a kaba kome, nos a mira un hòmbèr tabata kana drenta kada bes ku un saku di pita bai patras den e restaurant. Despues e tabata bai den un trùk será grandi i tabata yen'é ku 'algu' i bolbe hiba e kon-

tenido patras di e restaurant, na unda, for di bista di klientenan, e tabata laga e kargashon.

Robby a keda studia moveshon di e hòmbèr i na momentu un bia mas el a bai patras den restaurant, el a sali bai lur den e trùk. El a yama mi pa bin wak loke el a deskubrí. A resultá ku e trùk tabata kankan di galiña, konènci i un bestia manera hamster, ku a resultá di ta e cuy ku nos a kome. Cuy ta un bestia bunita, ku un kueru suave, ku bo mester tin kurason duru pa bo mata. Asina kariñoso nan ta mira bo den bo kara.



Cuy den tayó.



Mi no ta kumpradó di number. Bièchi sí, pero no den forma dirigi. Pues no ta asina ku mi ta sali buska bendedó di bièchi pa purba mi suerte. Pa otro siman por ehèmpel tin sorteo mionario. Pa e sorteo tin mi algun pida kumprá serka Patricia, un bendedó di bièchi ku tur dia ta serka nos na ofisina pa kumpra korant. E ta kumpra, yuda nos kompania, i ami ta yud'é kumprando bièchi.

Kasi nunca mi ta gana bièchi. Simplemente bièchi no ta kos pa mi. Wega di suerte mes no ta mi kos tampoko. Nunca den kasino òf na wega di remate. Solamente bièchi de bes en kuando. Anto pèrdè tambe. Kisas esun ku ta responsabel pa e numbernan ganadó lo por tene kompasjon ku mi otro siman djaweps. Ya mi ta haña fondo pa hinka den trabou pa reskatá nos herensia kultural-históiko.

Mi tata tabatin un number fiho di bièchi ku e sa kumpra serka Toni Nicolaas di Nort di Saliña. Toni, un hende muhé den e kaso aki, tabata traha den tienda di Djòs Hart na Playa, e edifisio den kua awendia Maduro Travel ta situá. Despues e tabata kumpra e bièchi aki serka otro hende. Den tur wega mi tata tabatin e bièchi aki, numerá 18979. Mi ta kòrda e number aki for di kabes, simplemente ta mi mester a kontrolá kada dos siman den korant ku si e bièchi aki a kai den premio. Kasi semper mi mester a desapunt'é.

Un dia el a konta mi ku e bièchi ei a yega di sali den premio mayó. Mi no ta kòrda ku si tabata un òf mas ku un bida, òf tabla, el a gana. Sí el a bisa mi ku el a usa parti di e suma ku el a gana pa kumpra su kunuku na Gurubú.

Tabatin un tempu sí ku pa tur wega mi tabata kumpra bièchi. Chi Clara, kende tabata bibá na Kas di Sosiegu, tabata bin bende bièchi na e ofisina di Servisio di Informashon na unda mi tabata traha. Ta e ofisina den kua PCN ta ubiká awendia, Kaya General Manuel Piar. Chi Clara tabata krusa kaya bin bende bièchi ku nos. Herbert Cesilia ku mi tabata su klientenan fast. Sobrá e tabata bende den seno di personal di kas di sosiegu i hòspital. Bon mirá pa yud'é, nos tabata kumpra bièchi serka dje. Chi Clara tabatin duele ora ku nos pèrdè. I kasi tur bia nos tabata pèrdè.

NO MISHI KU HENDE VULNERABEL

KRALENDIJK – “No mishi ni violá hende vulnerabel. Ta kastigá tur ku violá òf mishi ku hendenan vulnerabel”. Hues van Lieshout ta manda señal fuerte pa komunidad kompletu di Boneiru e siman aki durante tratamentu di un kaso di violashon seksual di un kliente di FKPD, pues un persona spesial. Korte den Promé Instansia a atendé dos diferente kaso di violashon seksual kontra e mesun víktima.

Ministerio Públiko ta akusá e hòmbèrnan Francis R. i Juan A.C. di violashon seksual ku a tuma lugá den aña 2016 kontra un kliente di FKPD (Fundashon Kuido pa Personanan De-sabilitá). Ámbos hòmbèr tabata traha komo vigilante di seguridat pa e kompania Delta Security. Nan tabata enkargá ku seguridat di FKPD. Segun e akusashonnan, e hòmbèrnan a tene relashon seksual ku un dama, habitante di e instituto. Esaki a sosede vários bia bou di nan ora di trabou.

E víktima ta un dama di 21 aña ku un defisiensi den su desaroyo. Esaki ta nifiká ku aunke e dama tin 21 aña, e ta pensa manera un mucha di 9 aña. E dama tin un pasado difísil ku ta konserní violashon seksual, lokual ta hasié èkstra vulnerabel.

Testigu

Direktor di FKPD, Johan Giskus, a testiguá den korte ku tur empleado ta risibí regla tokante kon akua i atendé ku klientenan di su instituto. Ademas ta prohibí pa ta den kamber di un kliente sin un lider presente. Tambe 2 empleado a testiguá kontra A.C. Nan a splika korte ku e akusado tabata den kamber di e

víktima ku porta na yabi. Despues ku A.C. a sali for di e kamber el a kai na rudia dilanti e empleadonan i a pidi pordon.

E akusado R. a bisa korte ku e no tabata na altura ku e víktima ta un hende ‘spesial’ i ku e konos’é promé ku e víktima a bai keda den FKPD.

Juan A.C. a nenga di a tene relashon seksual ku e dama. “Mi a bai den su kamber, pasobra mi a mira algu ta lusa i a bai kontrolá”, el a deklará.

Rekisitorio

Fiskal mr. Blanco den su rekisitorio den ámbos kaso a enfatisá e echo ku e hòmbèrnan a hasi mal uso di nan funshon i vulnerabilidad di e víktima. “A trata e dama komo un prostituta. Mei anochi a slùip drenta su kamber, hasi sèks kuné i bai”, el a bisa.

Ministerio Públiko a demandá den ámbos kaso un kastigu di prizòn di 1 aña, di kua 6 luna kondishonal, ku un periodo di prueba di 3 aña.

Abogado mr. Anthony

Nicolaas den su defensa a splika ku e aktonan seksual ku e dama no mester a pasa. “Pero e ta kastigabel?”, el a puntra korte. “Huridikamente no por papia di violashon seksual, pasobra no a usa niun sorto di violensia òf forsa.”

Probá

Hues van Lieshout a haña den ámbos kaso probá ku e akusadonan a violá e dama en kuestion. “Proteksjon di personanan vulnerabel ta eksigí pa mi apliká

un kastigu di prizòn. Esaki mester ta un señal na komunidad, pa ni sikiera hinka den kabes pa mishi ku un hende vulnerabel”, el a bisa promé ku duna sentensia.

Korte den Promé Instansia a kondená e hòmbèr Francis R. na un kastigu di prizòn di 8 luna, di kua 4 luna kondishonal, ku un periodo di prueba di 3 aña.

E hòmbèr Juan A.C. a risibí e sentensia di kastigu di prizòn di 10 luna, di kua 5 luna kondishonal ku un periodo di prueba di 3 aña.



Akusado Francis R. Tambe a violá e víktima.



Johan Giskus, direktor di FKPD, (na man robes) drentando korte pa testiguá i e akusado Juan A.C.



EDITORIAL

Anto bo ta kere ku e kosnan aki a kaba!

Daisy Coffie a disidí finalmente ku e ta bandoná frakshon di MPB. Ta algu ku hendenan ku no ta deskonosí den e Herusalèm di polítika boneriano a mira bini kaba, mirando su aktitut últimamente, despues ku a proponé kambio den frakshon di e partido blou, den sentido ku e no ta lider di frakshon mas.

Daisy ta suficiente madurá pa tuma desishon ku e ta haña bon, pero un kos ta sigur. Esei ta ku e tambe ta haña e stèm-pel di 'buladó di kurá', meskos ku tabatin hopi promé kuné i ku nan karera a kaba tambe den polítika. Tiki ta esnan ku a logra.

Semper nos a oponé kontra e práktikanan aki. Nos a tuma posishon fuerte i lo sigui hasié tambe, pasobra e bulamentu di kurá i bai ku asiento aki no ta algu korekto. Bo por ta den desakuero ku partido, ku frakshon, pero e ora ei bo mester pone bo asiento na disposishon di e partido pa medio di kua bo a yega den Konseho Insular.

Lei ta pèrmití e eskapadanan aki. Trahadónan di lei a kere ku miembronan di Konseho Insular ta hende serio, sufisien-

te madurá, ku nan ta entregá nan asiento den situashonnan manera esun ku a presentá awor den MPB na partido. Den pasado den Demokrat, UPB, POB i kisas den mas partido e situashonnan aki a manifestá.

Daisy Coffie mester komprondé ku el a yega na e asiento aki siendo riba lista di MPB den e último elekshon. Anke ku esei tambe lo tabata kondenabel, si Daisy Coffie a keda elegí ku voto preferensial pa drenta Konseho Insular, ainda lo por tabatin kompreshon ku baimentu ku asiento.

Tanten ku lei ta pèrmití, pasobra e legisladó a kere ku un parlamentario òf konsehal ta hende serio, bulamentu di kurá lo sigui tuma lugá. Awe MPB ta víktima, mañan lo ta (atrobe!) Demokrat i UPB. Asina bida ta i asina bida lo sigui.

Konkluyendo, nos ta desapuntá sí ku ta un Daisy Coffie, ku supuestamente mester para pa polítika moderno, ta kometé un akto tradishonal asina. Pero ta su desishon i e mester dil ku su konsenshi!

Bonaire Travel a muda

KRALENDIJK-- Bonaire Travel despues di tabata pa basta tempu den Playa, desde ayera 1 oktober ta ubiká na Hato district z/n, banda di AD.

Debi na e situashon di COVID-19 e mudansa

aki a bai un poko 'seku' pero dja'riba Papa Dios a manda hopi yobida pa bendishonnan ku ta na kaminda.

Riba foto dos empleada di Bonaire Travel, Valesca i Franchesca ta

risibi un bunita areglo floral di e kompania EZ Air.

Un danki speshal na nòmber di Natasja i crew na su mama sra. Doesjka,

EZ Air i Extra pa e bunita areglonan.



Rudy Domacassé a chèk kon interes ta

Boluntat pa standarisá palabra segun pronunsiashon boneriano

KRALENDIJK – Por sinti ku tin deseo i boluntat serka basta hende, entre otro dosentenan di Papiamentu, pa bini ku un komishon pa pasa den palabranan ku segun nan pronunsiashon na Boneiru, ta eksigí un otro forma di ortografia. Ta trata di palabranan ku no a pasa den pasado den KSP – Komishon Standarisashon di Papiamentu --, ku tabata konta tambe representantenan di Boneiru, huntu ku hendenan di Kòrsou i Aruba.

KSP

E trabounan pa standarisá palabra na Papiamentu a inisiá masomenos 40 aña pasá. Instituto Lingwístiko Antiano (ILA) tabata enkargá ku e trabounan aki pa Kòrsou i Boneiru, komo entidat di Gobièrnu Sentral. ILA, dirigí pa Frank Martinus Arion, asistí pa Martha Dijkhoff i Eithel Martis, tabatin relashon di koperashon ku IDILA di Aruba, dirigí pa Ramon Todd Dandaré. IDILA ta para pa Instituto di Lengua Arubiano.

Na Boneiru Frans Booi,

hefe di Departamentu di Kultura i Edukashon, tabata atendé ku e trabounan di standarisashon, ku den e promé tempu ei Carlos Nicolaas, Cecilia Everts, Bòl Antoin i Papy Cecilia komo miembro.

E trabou

E manera di operá tabata ku komishon di kada isla tabata pasa den listanan di palabra. E komishonnan lokal tabata disidí kon ta pronunsiá i skirbi un palabra. Tim bia sa sosodé ku tabatin mas ku un variante. Kada seis luna den un seshon plenario riba un dje tres islanan tabata pasa atrobe den e listanan pa buska konsenso.

Por ehèmpel un palabra manera balia i tempran. Tin hende, tantu na Boneiru, Kòrsou komo Boneiru ku ta bisa trempañ òf baila. Riba e dos palabranan aki representante di tur tres isla a yega na konsenso, di manera pues ku tur dos ta bon.

Otro ehèmpel ta un palabra manera potrèt, ku por ta skirbí tambe komo pòtrèt, portrèt i pòtrèt. Ta palabranan standarisá.

Despues

Despues ku e trabou di standarisashon di Papiamentu na nivel di tur tres isla a stòp, Fundashon Planifikashon di Idioma (FPI) na Kòrsou a sigui atendé ku standarisashon, pero opviamente ku bista riba Kòrsou.

Tin palabra pronunsiá na Boneiru otro for di Kòrsou, pero ku spèlchèk di Papiamentu, ku ta basá riba listanan di FPI i Buki di Oro, no ta rekonosé komo bon. Por ehèmpel neishi, peishi, leishi i beishi, ku na Kòrsou ta respetivamente nèshi, pèshi, leshi i beishi.



Rudy Domacassé a chèk kon interes ta pa standarisá.

Boluntat

For di aña pasá kaba den un konferensia tokante Papiamentu na Marriot, organisá pa Akademia di Papiamentu, por a sinti ku tabatin deseo i boluntat di e partisipantenan pa rebibá e trabou di standarisashon di Papiamentu. Tin hopi trabou pa hasi ainda.

Algun dia pasá, basá riba un publikashon den BONERIANO, dosente di Papiamentu Rudy Domacassé a purba haña reashon serka hende ku ta frekuentá su kuenta di facebook, pa sa kiko e pensamentu ta riba posibel kontinuashon di e trabou aki na Boneiru. E reashonnan tabata positivo, esta pa sigui ku e trabou di standarisashon.

Palabra arkaiko

Un pensamentu lo por ta tambe pa, unabes ku ke sigui ku standarisashon di Papiamentu na Boneiru, inkluí tambe un investigashon òf registrashon di palabranan arkaiko, ku no ta aparesé masha mas den vokabulario moderno. Palabranan manera turun, mafundia, sardu ku tin di aber ku bestia. Asina tin palabra arkaiko den tur sektor, manera agrikultura, piskamentu òf simplemente

den kombersashon diario.

Un persona ku sin duda por yuda den reskate di palabranan arkaiko ta

Chemmy Cicilia-Janga, un persona ku tin hopi konosementu di e tipo di palabra i ekspreshonnan asina.



Frans Booi a hunga ròl importante den standarisashon di Papiamentu den dékadananan setenta i ochenta.



Chemmy Cicilia-Janga spesialisá den palabra arkaiko.



Buki di lista ku palabra standarisá.

Pa stimulá empresarionan den sektor di agrikultura

Proyekto ‘Di Simia pa Produkto’

KRALENDIJK -- Gobièrnu di Boneiru ta lansa e proyekto ‘Di Simia pa Produkto’ ku e meta pa stimulá empresarionan nobo i empresanan eksistente pa drenta sektor di agrikultura. E intenshon ta pa enbolbí partikularmente gruponan di enfoke manera penshonadonan pero tambe otro grupo ku kurason pa agrikultura.

Meta di e proyekto aki ta pa konsientisá nos hendenan ku nos por planta i generá un entrada for di e sektor di agrikultura, konsekuente tambe pa pone énfasis riba interkambio komersial entre e diferente gruponan di enfoke.

E proyekto ta un kolaborashon entre Gobièrnu di Boneiru, Fundashon Tienda pa Konsumidó Boneriano i tambe e departamento di

LVV (Landbouw, Veeteelt en Visserij) ku ta un di e partnernan importante den e proyekto aki konsiderando ku nan ta enkargá ku maneho di agrikultura aki na Boneiru.

Último tempu por a nota hopi desaroyo positivo na LVV. Por menshoná trabounan manera kosecha di maishi chikí, plantamentu i bendementu di bèrdura lokal manera yambo, bonchi di Kunuku i kònkòmber chikí i tambe prosesamentu di hoi (yerba pa bestia) i mas.

Gobièrnu kièr duna un empuhe èkstra na e desaroyo positivo ku ta tumando lugá i den kuadro di esaki ta bai sigui stimulá e sektor aki pa medio di insentivonan na empresarionan den sektor di agrikultura.

Pa medio di e proyekto

‘Di Simia pa Produkto’ gobièrnu ta bai ofresé guia intensivo, konosementu, fasilidat pa awa di irigashon i tambe posibilidat di tereno na LVV pa desaroyá bo mes plantashi pa un temporada definí.

Fundashon Tienda pa Konsumidó Boneriano ta responsabel pa konsientisá nos agrikultornan pa produsí produkto lokal pero tambe pa trese un kambio den nos forsa di kompra pa asina konsumí mas tantu produkto lokal posibel.

Den transkurso di e simannan benidero gobièrnu lo sigui informá tokante e proyekto ‘Di Simia pa Produkto’.

Pa mas informashon por chèk e página di facebook ‘Di Simia pa Produkto’.

Diputado Nina den Heyer:

“Un tiki atenshon lo laga nos grandinan sinti bon”

KRALENDIJK – “Un tiki atenshon lo laga nos grandinan sinti bon.” Esaki Nina Heyer ta bisa den kuadro di selebrashon di

‘Dia Internashonal di Grandinan’ ayera, djaweps, promé di òktober. Den e aña 2020 aki ta selebrá e di 30 aniversario di ‘Dia inter-

nashonal di Grandinan’. Netamente e aña aki ta konfrontando e pandemia Covid-19, ku a sòru pa hopi konsternashon den mundu kompletu.

Di akuerdo ku un komunikado emití pa ofisina di diputado Nina den Heyer, bou di kende asuntunan sosial i kuido ta kai, relashoná ku e rísikonan ku grandinan ta konfrontá durante e brote di e pandemia Covid-19, maneho i intervenshon di programanan mester ta basá riba konsientisashon di nesesidatnan speshal di hende grandi. grandinan.



ENTIDAT PÚBLIKO
BONEIRU



REUNION KONSEHO INSULAR

Presidente di Konseho Insular ta partisipá ku riba djamars 06 di òktober 2020 pa 19:00 or tin un reunion públiko di Konseho Insular (reunion pa toma di desishon) den sala di reunion di Konseho Insular den Passangrahan. Ta trata di kontinuashon di e reunion ku a keda suspendé 29 di sèptèmber 2020.

Agènda:

6. Stipulashon ordenansa temporal adishonal pa Reglamento di Orden pa Konseho Insular di Boneiru relashoná ku deliberashon i desishon digital;
7. Klousura.

Ta publiká e konvokashon pa e reunion aki riba e parti públiko di e sistema di informashon di Konseho Insular (www.konsehoinsular.com). Si tin dokumentu ku tin di aber ku e puntanan di agènda, e ora ei por tira un bista den nan serka grefi. Ta transmití e reunion 'live' na Nos Tv i Dutch Caribbean TV. Por sigui e reunion tambe via nos página di Facebook.

E.E. Rijna
Presidente



OPENBAAR LICHAAM
BONAIRE



REUNION KOMISHON FIHO MANEHO I SOSTEN

Presidente di komishon fiho pa Maneho i Sosten ta partisipá ku tin un reunion di komishon **djamar 06 di òktober 2020 pa 17.00 or** den sala di reunion di Konseho Insular na Passangrahan. Ta trata di kontinuashon di e reunion ku a keda suspendé 28 di sèptèmber i 2020.

Agènda:

5. Tratamentu di e konsepto di e ordenansa temporal adishonal pa Reglamento di Orden pa Konseho Insular di Boneiru relashoná ku deliberashon i desishon digital(2020003286);
6. Klousura.

Ta publiká e konvokashon pa e reunion aki riba e parti públiko di e sistema di informashon di Konseho Insular (www.konsehoinsular.com). Ta transmití e reunionnan di Konseho Insular bibu na Nos Tv i Dutch Caribbean TV. Por sigui e reunionnan tambe via nos página di Facebook.

Atentamente,

J Statia
Presidente



Riba e dia spesial aki diputado Nina den Heyer a duna honor na tur grandi den komunidat boneriano. “Un tiki atenshon lo laga nos grandinan sinti bon. Sea ku nos hasi algu chikí òf algu grandi pa nan. Riba e dia aki mester pone grandinan den nos komunidat den spòtlait.”

Pa hasi esaki posibel

diputado ke stimulá komunidat pa e aña aki sorprendé grandinan den nan barío ku un karchi, un bolo òf un bukèt di flor pa hasi e dia aki spesial teniendo cuenta ku regla(nan) di Covid-19. E vírus di corona tin un impakto hopi grandi riba komunidat, speshalmente hende grandinan, ku ta mas vulnerabel.

Siudadano a opservá:

Masha tiki konekshon pa branspùit haña awa

KRALENDIJK -- Un siudadano atento a kai ariba. ku tin masha tiki konekshon riba Kaya Korona na unda ku den kaso di kandela branspùit por saka awa pa kombati kandelanan grandi. Esaki siendo ku e último añanan a bini hopi desaroyo a lo largu di e kaya. Ta un punto ku mester tene enbèrdat kuenta kuné.

Tin hende ta yama e konekshonnan aki 'brandput', pero e no ta masha konosí na hulandes. Ta e sitionan na unda a krea un instalashon ku ta hasi posibel pa den kaso di kandelanan grandi, branspùit por saka awa, si por ehèmpel e branspùitnan ku presentá no tin sufisiente awa den tanki.

E siudadano a deklará na BONERIANO: "Último tempu por mira klaramente ku Boneiru ta kresiendo. Kresiendo den desaroyo

komersial, den sentido ku por mira klaramente kas, edifisio, hotèl ta lantando. Por bisa ku komèrsio ta hañando un 'boost'. Pues m'a disidí, segun mi ta kore, pa wak i apresiá e loke nan ta konstruí. Bunita edifisio por sierto.



"Un dia, biniendo di Rincon, un 'brandput' a hala mi atenshon. Te den mondi skùin birá di banda, pone ku mi mester a primi mi wowo pa wak kiko e palu ei ta. Unabes riba Kaya Korona mi di laga mi bai kontu e 'brandput'-nan kantu di ka-

minda. Mi a topa solamente unu bisto, ku ta algu promé ku Kaya Mulatu, koriendo direkshon di Playa. Pues despues di Kaya Mulatu mi no a mira ningun 'brandput' mas", segun e siudadano.

Pues e banko RBC, Kooyman, Kentucky, Toyota etc., ku ta edifisionan grandi. "Si nan pega na kandela ta na unda nan ta konektá slan pa sigui paga

kandela na e edifisionan aki ku a eksigí invershon grandi. Nan lo bai pèrdí."

E siudadano ta urgi gobièrnu pa bolbe wak e infrastrukutura aki di nobo. I ahustá aki i aya, pone mas instalashon pa bomberonan por haña awa pa paga kandela. "Pasobra malora no ta duna tempu. Tantu bal miónes na invershon, anto no por salbuardiá nan."



Porkonan a disparsé fo'i Angola

KRALENDIJK -- E porkonan ku tabata forma molèster pa kunukeronan den besindario di Ser'i Angola a disparsé. E doño mes a tuma medida ku nan. Tin hende ta bisa ku el a mata nan pa bende karni, miéntras ku tin hende ta bisa ku el a hiba nan otro sitio. Echo ta ku nan no t'ei mas, ku eksepsion di un par ku a keda tras.

E kriadó di porko aki algun aña pasá a kuminsá su krio den un kunuku sùit di e seru konosí komo Angola. Na kuminsamen-

tu e populashon di porko tabata bou di kontròl, pero despues e porkonan aki a wèrp asina tantu, poniendo e doño a pèrdè kontròl i konteo.

Na sierto momentu e porkonan aki tabata sali for di kunuku pa bòltu kos na kas i ranchonan di kunuku den serkania. Nan tabata terorisá tur bisña, ku na sierto momentu no por a wanta mas i a akudí na BONERIANO pa denunciá e situashon. Trankilidat awor a regresá den e área.



Algun dje porkonan di e populashon grandi na Angola. E animalnan aki sea a bai wea òf nan ta na otro kunuku awóraki.

Poster ku instrukshonnan di Covid-19

KRALENDIJK - “No hiba bo yu na un akohida pa mucha si e ta tosa òf ta ferkout.” Esaki i otro instrukshon pa mayor i muchanan tin riba dos poster ku departamentu di Salubridat Públiko di EPB

a laga kologá na diferente akohida pa mucha (krèsh).

E posternan ku instrukshon ariba ta trahá di material duradero, manera tapol, ku por kologá pafó pa tempu largu. Den e salanan tambe a kologá poster ban-

da di e labamano pa yuda e mucha kòrda laba man bon.

Riba e posternan tin tambe instrukshon pa mayornan ki ora e yu por bolbe bini skol. E otro poster tin e instrukshonnan di higiena manera mantené distansia

entre mayornan i kon yuda e muchanan korda pa laba man frekvente.

A realisá e posternan huntu ku e akohidanan pa mucha. Nan mes tambe tabata ke klaridat i kompreshon pa e instrukshon di

higiena pa asina evitá ku e vírus di corona ta plama. Pa e personal di e akohidanan, e mayornan i e muchanan. E departamentu di Salubridat Públiko a laga traha e posternan i kologá nan.



Now offering a 20% discount*

Payroll Pro
HRM

Applicable from October 1, 2020 till December 31, 2020

* Valid on licenses, upgrades and interfaces.
* Not valid with any other specials.
* Not valid on yearly license fees.

Contact us for more information
www.payrollprosoftware.com

Let's end 2020 on a more positive note!

gamma
IT SOLUTIONS

Curaçao
Mauritslaan 1, Willemstad
Tel: +5999 758-7067
info@gamma-itsolutions.com

Bonaire
Tel: +599 717 60 67
info@gamma-itsolutions.com

Zorg en Jeugd Caribisch Nederland
Ministerie van Volksgezondheid,
Welzijn en Sport

“Mi ta mayor di kriansa pasobra e bunita di esaki ta pa duna e mucha oportunidad pa krese den un ambiente ku amor i stabilitat. E kos di mas bunita ta e rekuerto di e promé biaha ku ela bisa ‘nos kas’.”

Bo tambe kier bira mayor di kriansa?

Bo por ofresé un mucha amor, struktura i siguridat? I bo ta fuerte pará den bo sapatu? Bira mayor di kriansa. Huntu ku Jeugdzorg bo ta pèrkurá pa un mucha haña e edukashon ku e meresé.

Pa mas informashon tuma kontakto ku Jeugdzorg:

Boneiru (+599) 715 7201

Saba (+599) 416 3718

Sint Eustatius (+599) 318 3104

info.jgcn@jeugdzorgcn.com

Kada mucha meresé un kas seif

Un dia manera awe:

02 di òktober 2020

- Tula: Na 1795 ta kondena Tula, e lider di rebelion di katibu na Kòrsou, na morto.

- ‘Volkskrant’: Promé edishon di e korant hulandes, ‘Volkskrant’ ta subi merkado na 1919.

- Hues: Thurgood Marshall na 1967 ta huramentá komo promé hues di koló pa korte superior merikano.

- ‘I have a dream’: Na 1963, e famoso spich di Martin Luther King ‘I have a dream’ ta bira marka komersial registrá.

- Dia internashonal kontra violencia: Nashonnan Uni a skohe netamente e fecha di awe pa para ketu kontra violencia. Dikon e fecha di awe, pasombra awe ta fecha di nasementu di un di e pilanan grandi ku ta kontra violencia, Mahatma Gandhi. Prinsipio di no violencia, ta desaprobá uzo di violencia físiko pa fin nan polítiko òf sosial. Ghandi, kende a guia India pa su independensia, ta e inspirashon pa diferente organisashon di derechi i kambionan humano rònt mundu. El a keda mantené su mes firme na e pensamentu aki apesar di a pasa den opreshon i retonan difisil.

Kaso di COVID kategorisá na edat

KRALENDIJK—Den reunion di Konseho Insular, diputado Nina den Heyer a menshoná kuantu kaso tin den kada edat. Den e edat di 8 pa 12 tin 4 kaso, den 13 pa 19 tin 3 kaso, 40 pa 60 aña tin 38 kaso i 60 plùs tin 11 kaso.

E edat promedio ta 45 aña, por mira serka e muchanan e kaminda ku nan a wòrdu kontagia ta den seno familiar.

Bo tin un storia, òf bo sa di un storia, ku bo ke kompartí ku mas hende?

Tuma kontakto ku nos na: 717-8482: BONERIANO i Bonaire.tv.

TENE KUENTA

Bo tin keintura, doló di garganta òf kualke otro síntoma relatá na Covid-19 ?

Keda bo kas i yama 0800-0800.

Mantené e instrukshonnan di higiena. Kome salú, drumi sufisiente i move regular pa hisa bo resistensia. Kuida bo mes i esnan rondó di bo.



FUNDASHON CAS BONAIRIANO

TE KOOP FOR SALE TA BENDE

\$117.000

Een 2 onder 1 kap woning gelegen te Kaya Pilon #6 Bario Nieuw Amsterdam, bevattende: o.a. Overdekt terras aan de voorzijde, woonkamer met open keuken, hal met 3 slaapkamers, douche- en toiletruimte, achterterras en washok. Elektrische installatie 110V/220V.

Bebouwde oppervlakte 71² / Buitenruimte 15² / Perceel erfpacht grond 260²



Voor informatie of bezichtiging kunt U bellen of mailen naar FCB
telf. 796-6016 / e-mail woondiensten@fcbinfo.org



FUNDASHON CAS BONAIRIANO

TE KOOP FOR SALE TA BENDE

\$148.000

Een vrijstaande woning gelegen te Kaya Piedr'i Mula #11 Bario Nieuw Amsterdam, bevattende: o.a. woonkamer met open keuken, hal, 3 slaapkamers en 2 douche- en toiletruimte. Electriche installatie 110V/220V .

Bebouwde oppervlakte 89² / Buitenruimte 17² / Perceel erfpacht grond 623²



Voor informatie of bezichtiging kunt U bellen of mailen naar FCB
telf. 796-6016 / e-mail woondiensten@fcbinfo.org

Siña di bo historia, kultura i naturalesa



Kanal 70- TELBO / Kanal 23 Flamingo TV

PA MAS INFORMASHON, SUGERENCIA ETC.
Djoni Leoneta, Tel./ WhatsApp: +599 786 9091
Ethel Leoneta, Tel./ WhatsApp: +599 796 9133
Email: 93.5boneiru@gmail.com

BròKèS 93.5 FM



KONTAKTO KU STUDIO
Pa saludo, felisitashon etc.

Telefòn +599 701 0935
Solamente pa yamada

WhatsApp +599 700 0593
Solamente pa mensahe skirbí

Skuch'è

Tene nos playanan limpi



èxtra
...number 1

www.extraboneiru.com

`Mondkapje` obligatorio na Hulanda

KRALENDIJK -- Gabinete hulandes ke bin ku proposishon pa hasi `mondkapje` obligatorio. Ke obligá uzo di `mondkapje` den espasionan públiko manera supermerkadu, horeca, museo etc. `Ta un konseho di emergensia`, asina Mark Rutte a duna di konosé durante debate relashoná ku Corona den `Tweede Kamer` ayera.

Partidonan

Den pasado no muchu leu, un mayoria den `Tweede kamer` a pidi pa un indikashon riba nivel nashonal pa `mondkapje`. Partidonan VVD i CDA tambe ta di akuerdo ku e proposishon aki.

E partidonan ke pa eks-

pandé e proposishon, ku aktualmente ta válido pa Amsterdam, Rotterdam, Den Haag i Eindhoven. D66 i `Christen UNIE` ta bai mas leu i ta pidi pa introdusí esaki obligatorio na skolnan sekundario, pero esaki Gabinete Rutte no ta haña nesario.

Medida

Mas detaye relashoná ku e konseho riba `mondkapje` ta sigui pa mas tardá djabièrnè awor pa 18:00 di atardi. Segun premier Rutte e konseho mester drenta na vigor inmediatamente pa espasionan manera pakus, i horeca. Pero na momento ku un persona ta sinta na mesa na un restaurant, por kita esaki. E gabinete no ta

kla pa bai den direkshon di un lei ku ta obligá uzo di `mondkapje` ahinda.

Rutte a duna di konosé ku te ainda no por dominá Corona, pues mester tuma medida. "Nos ta bailando

ku un partner ku no ta duna nos oportunidat di tuma rienda den nos man, pero pèrdè enfoke no ta un opshon". Apesar di tur kos e premier ta keda positivo. "E dia lo yega ku nos

por ta mas serka di otro i biba bèk manera ántes. Pa esaki ta posibel mester tin un vakuna, òf a lo ménos suficiente medikamento", Rutte ta finalisa bisando.



Òktober luna di kanser na pechu

KRALENDIJK -- Òktober ta luna internashonal di e malesa di kanser na pechu i Stichting Prinses

Wilhelmina Fonds Bonaire ta pone atenshon na esaki. Kanser na pechu ta e kanser ku mas ta bin

dilanti serka hende muhé. Mundialmente a sali na kla ku 1 den 8 hende muhé ta keda diagnostiká ku e malesa di kanser na pechu.


Normalmente durante luna di òktober Stichting Prinses Wilhelmina Fonds Bonaire ta organisá charla i anochinan di informashon riba e tópiko aki. Pero mirando e situashon aktual relashoná ku COVID-19 lo bai duna hopi informashon via prensa i media sosial.

Nan informashonnan

lo ta basá riba kosnan ku ta lanta e rísiko pa haña e malesa aki, kon pa baha e rísiko, ken tin mas rísiko, kon pa kontrolá bo mes, síntomanan, kiko mester hasi si nota algu straño, tèstnan ku por hasi, tratamentu, kon kuida despues di tratamentu i testimonio di persona ku a keda diagnostiká ku e malesa aki.

Tambe nos ke hasi uso di e oportunidat i gradisí tur esnan ku durante luna di sèptèmber a yuda ku e parti di kolekta i esnan ku a hasi un donashon. Si tin

persona ku ainda ke hasi donashon esaki ta posibel. Pa kualke pregunta i òf informashon por tuma kontakto ku nos na 796 9798. Por sigui nan tambe via [facebook.com/PrinsesWilhelminaFondsBonaire](https://www.facebook.com/PrinsesWilhelminaFondsBonaire) pa keda na altura di tur loke nos ta hasi i tambe diferente otro informashon. Direktiva di Stichting Prinses Wilhelmina Fonds Bonaire Kaminda La Union 11 Kralendijk, Bonaire Telefon: +599 796 9798



Piska ku boto den boka di Lagun

KRALENDIJK -- Den pasado e bahia di Lagun tabata un sitio na unda basta hende tabata piska, tantu na baranka komo den boto. Den tempu kalmu nan tabata bai piska te den e boka ku boto chikitu. Asta sa sali bai mas leu, te na Spelonk.

Algun dia pasá repoteronan a topa ku un persona tabata piska den su boto den boka di Lagun. Di mes tempu ta kalmu e dlanan aki. Pues por.

Ramon (Papai) Pop, ku a lanta hopi huntu ku su tata Yakito na Lagun, a konta ku tabatin hende ku yola pa

piska den e bahia so. Yola ta un tipo di boto chikitu ku bòn plat. Ku e botonan aki tabata piska solamente den e bahia òf den boka, na e palunan di mangel. Pero tin hende ku tabata para piska den awa. E waf di betòn na Lagun a bini masoménos na aña 1970, komo parti di konstrukshon di e karetera di asfalt di Antriol pa Lagun.

Den tempu ku Ramon Pop a kuminsá ta frekuentá Lagun huntu ku su tata, fin di añanan sinkuenta, tabatin kuater rancho na Lagun. Nan tabata ei hopi aña pro-

mé kaba. Entre otro rancho di Luis (Wichi) Soleano, ku a yega di nabegá hopi aña na bordo di e barku India di Slagbaai. Asta el a bira kapitan di India despues ku su tata, e legendario Jan Fidelius (Tantin) Martis, a stòp di nabegá komo kapitan di e barku ei.

"Mi ta kòrda ku Wichi tabatin un rancho na Lagun, tambe e rumannan Tinchí i Ròbu Statie. Nan dos tabatin un barku di bela yamá Seabird. Mi tata tambe tabatin su rancho. Tabata warda kosnan di boto, manera rema i skalchi, den e ranchonan aki. Niun hende tabata mishi ku nan kosnan. Tabatin rèspèt pa propiedat di otro", Ramon a bisa.

Mas hende sa piska na Lagun. Nan tabatin nan botonan chikí sea halá riba tera òf mará den laman. Por ehèmpel Nechi Theodora, ku tabatin un kunuku pabou di Lagun.



Yuana ta familiarisá ku hende



Por nota ku na diferente sitio, tantu den naturalesa komo na algun hotèl lokal, yuana ta familiarisá ku hende. Ántes tabata kue yuana na gran eskala pa kome. Tempu a kambia. Aki por mira kon yuana ta familiarisá ku bishitantenan di Black Durgon.

EVANGELIO DI PAS

Skritura: Efesionan 6:13-17

"...i ku boso pianan bistí ku e preparashon di e evangelio di pas;" v.15 (BS)

Kon por ta posibel ku algun predikadó ta pro-klamá ku na momento ku nos aseptá Kristu tur problema ta kaba? Kada bes ku mi skucha predikadónan yama hende dilanti pa deklará nan fe den Señor pa nan ta liber di tur konflikto, mi ta puntra mi mes si tal predikadó konosé e Palabra di Dios realmente. E propósito di e evangelio di Kristu, mas ku proveé un solushon rápido i sigur pa tur difikultat, ta pa yama nos na arepentimentu. Bo a yega di puntra bo mes kua ta un di promé palabranan di Hesus den e Tèstament Nobo? Nan ta: "E tempu ta kumplí, i e reino di Dios ta serka. Repentí i kere e evangelio." (Marko 1:15; BS). Promé kunÉ, Juan Boutista tabata prediká e boutismo di arepentimentu pa pordon di piká (Marko 1:4). Pedro, den su famoso mensahe riba e dia di Pentekòster, a insistí riba esaki: "Repentí anto i kombertí, pa boso pikánan wòrdu kitá" (Echonan 3:19; BS). Tur presentashon di e evangelio, enbes di papia di liberashon di problemanan òf inkluso transformashon di bida, mester enfoká riba e nesesidat primordial di hende: arepentimentu. Ta solamente via arepentimentu, nos por tin pas ku Dios pa medio di nos Señor Hesus Kristu (Romanonan 5:1). Despues di risibí pordon pa nos pikánan, nos por bira mensahero di e evangelio di pas na unda ku nos bai òf ku nos ta. Ta interesante ku miéntras ku hopi di nos luchanan ta terminá na momentu ku nos brasa e evangelio, realmente otro ta kuminsá. Esaki ta motibu ku e stòp di ta e evangelio di pas? Nò. Pas berdadero nos ta haña na momentu ku meimei di luchanan pisá, tòg nos por eksperiensia e pas di Dios i nos por ta instrumentonan di pas.

Alberto González, Cuba

Laga nos trese pas i no kontradikshon!

Saká for di: Alimento Pa E Alma, un produkshon di Trans World Radio Bonaire.

Vanidades B.V.

ta buska

1 schoonheidspecialit

Pa mas informashon por tuma kontakto na telefòn 717-5423

Eli Deli Cafe B.V.

ta buska

Barista

- niveau MBO, 40 ora pa siman,
- idioma: spañó, ingles i papiamentu,
- mester tin min. 3 aña eksperiensia,
- edat min.25 / max 35.

Mas inf. por yama **795-4709**

IMPORTANTE

èxtra
...number 1

Pa tur AVISO pa den EXTRA/BONERIANO, por favor usa mail: avisobon@gmail.com

Partisipashon virtual na asamblea general di nashonnan uní

ORANJESTAD-- Promé Minister Evelyn Wever-Croes djaranson último tabata den e di 75 aña di Asamblea General di Nashonnan Uní, ku e aña aki a tuma lugá den un forma virtual. Promé Minister a presentá e tóipiko di Adaptashon Klimatiko.

Reto global

Retonan Global ta intenso. Nos klima ta kambia rápido i dramátiko. Globalmente ta enfrentando inundashon, sekura, tormenta, oumento di awa di laman i e oseano nan ta bira kayente. Den e region Karibense, ta konfrontando temporadanan di horkan nunca bisto. Temperatura nan ta subi riba nivelnan di kalor haltu ku konsekuensia ku e konsumo di energia

ta subi. E problemanan aki ta kostando bida di hende, afektando asina komunidad i kousando dañonan grandi na ekonomia i medio ambiente.

E realidat ta tambe ku nos ta mei mei di un krisis global. COVID-19 a eksponé humanidat i konfirmá nos vulnerabilidad. Miéntas ta konfrontá e pandemia i bayendo riba e kaminda pa relativá ekonomia, mester konklui ku esaki no a kibra e velosidat di e kambionan den klima.

Adaptashon klimatiko

Mundu mester solushonnan pa e adaptashon klimatiko. Reino Hulandes ta comprometi pa pone i mantené adaptashon klimatiko komo prioridat riba agènda internashonal. Esaki ta inklui e respaldo pa ku

e iniciativa pa un Komishon Global riba adaptashon. Reino Hulandes tambe ta apoyá e kreashon di un Sentro di Adaptashon Global.


No ta eksistí un solushon úniko, mester hasi esaki riba un korto i largo plaso. For di re-enforsá kostanan i mehorá infrastrukutura te uza teknologia avansá. Desaroyá solushonnan inovativo sostenibel pa krea oportunidatnan pa trabounan nobo, re-inventá sistema edukativo pa fomentá e desaroyo di futuro generashonnan.

Práktikanan respiciente klimatiko mester integrá den e manera ku ta rekonstruí mihó i mas fuerte. Tur esaki ta rekerí plannan di invershon i solushonnan finansiero, inkluso desaroyo di mekanismonan di finan-

siamentu nobo pa paisnan ku tin debe insostenibel, ingresonan abou i ku ta vulnerabel pa disasternan natural okashoná dor di kambio klimatiko.

Si no hasi nada, ta kore e rísiko pa menasa seguridad di alimentashon, energia i awa pa futuro generashonnan. Ta solamente

huntu por marka e diferensia i kumpli ku nos deber pa invertí den nos kapasidat di rekuperashon i krea un mihó mundu pa generashonnan nos dilanti," e Minister ta terminá bisando..



Lei ku ta regla valides digital aprobá

ORANJESTAD – Djamars mainta Minister Xiomara Maduro tabata den Parlamento pa trata aprobashon di e lei ku ta regla e valides di akuerdonan será di forma elektróniko.

E kantidat di aktividatnan di komersio i servisio finansiero ku ta sosodé di forma elektróniko a subi drástikamente. Teniendo kuenta ku desaroyo di e-commerce ta sumamente

nesesario pa brinda e usuarioan seguridad na momento di hasi transakshon via medionan elektróniko na Aruba.

E mandatario ta informá ku e lei aki ta pa eliminá insertidumbrenan na momento di hasi transakshonnan via medionan elektróniko. Alabes e lei ta pa garantisá derecho i obligashonnan ku ta surgi for di akuerdonan komersial será den un forma digital. Ademas e lei ta duna seguridad legal pa usuarioan i ta rekonosé legalmente un firma digital meskos ku un firma skirbi na man.



Ku aprobashon di e lei aki Gobièrnu di Aruba ta krea un struktura legal mas sigur di e-commerce. Minister Xiomara ta enfatisá ku e lei aki ta un paso

nesesario den e era di ekonomia moderno den kual aktividatnan komersial i di komunikashon ta sosodé di un manera digital.



ARUBA

Informashon riba kaya

ORANJESTAD -- Un situashon sigur ferfelu ta loke a tuma lugá un biaha mas ku datonan personal i médiko di pashèntnan ku ta tèst pa Corona. Tin indikashon ku un biaha mas Gobièrnu ta kompartí e informashon aki ku entre otro sektor komersial.

Fin di ougùstùs tabatin un kaso kaminda informashonnan lo a `lek` `for di un `app` ku ta kontené informashon personal. Mesora minister enkargá ku salubridat, Dangui Oduber, a mustra den direkshon di oposishon. Segun e minister, ta den un sirkuito hopi chikí a komparti e informashon.

Nada no kambia

Aparentemente medidanan ku a tuma despues ku informashon a sali pafó den luna di ougùstùs, no tabata efisiente. No a hasi esfuerso sufisiente pa protehá informashonnan di pashènt i e sirkulo den kua a kompartí e informashon lo tabata mas grandi. Ta despues di e `lek` gobièrnu a bini ku e eksigensia ku tur persona/instansia ku ke e informashon aki, mester duna un motibu bálido i pa finalmente gobièrnu duna su aprobashon. Banda di esaki mester firma un `geheimhoudingsverklaring`, kual irónikamente awor numa a bira obligatorio.

Segun diferente lei rubiano, informashon médiko ta algu ku ta entre pashènt i esaki su dòkter so. Tin algun eksepsion, por ehèmpel den kaso di malesa kontagioso, pero esaki atrobe bou di kondishonnan estrikto.

E pashènt tin derechi di sa pakiko ta uza su informashonnan i mester duna pèrmit pa hasi uzo di esaki.

Pashènt no sa nada

Tin indikashon ku personanan ku a uza e app aki i di kua nan informashon a `lek`, niun momentu so a haña informashon ku lo kompartí nan informashon ku otro instansia/persona.

Direktorado di salú públiko ke kompartí informashon ku instansianan ku tin di haber ku `verzuim` pa motibu di Covid, unda tambe ta kai sektor komersial.

Abogado Desiree Croes, ku ta representá un grupo di 10 ku nan informashon a `lek`, ta bisa ku ta inaseptabel ku gobièrnu ku saka informashon médiko di pashènt pa doño di trabou.

Banda di esei direktorado di salubridat públiko ke suministrá informashon di pashènt pa partnèrnan ku ta disponé di un adrès riba `gmail`.

Ta konosí ku e provedo aki su sistema no ta konfiabel pasombra nan tambe ta

wak kiko ta drenta i sali den mail. Na 2018 `Nederlandse Autoriteit Persoonsgegevens` a atvertí dòkternan pa no manda informashon atraves di e plataformanan aki.

Gobièrnu a hasi denunzia na ministerio públiko pa hasi investigashon penal. Banda di esaki tin un investigashon interno andando na departamentu di salú públiko, unda a sali na kla ku no tabata trata aki di `hackmentu` di kòmputèr.

E departamentu ta sospechá ku no a atendé ku sufisiente koutela ku e informashonnan.

Minister Xiomara Maduro a reuní ku komishon

Ehersisio pa konservá Parokia di Noord

ORANJESTAD -- Minister Xiomara Maduro a reuní ku `Comision di Evento Social di Parokia di Noord` pa por haña sa mas di nan trabounan pa konservá e historia di Parokia di Noord.

Steve Geerman i Rachel Croes-Frank di e komishon a informá Minister Xiomara Maduro riba nan plan pa organisá un eksposishon den luna di òktober 2020 di tur e artefaktonan balioso i históriko ku ta konta historia di e Parokia di Noord.

E komishon a informá Minister Maduro riba e trabounan ku ta hasiendo pa mantené e kapèl di e kom-bento di Imeldahof, ku ta un monumento di Pais Aruba, limpi. E kapèl tin muebelnan outéntiko i úniko na Aruba.

Pa sigurá ku e interior di e kapèl por keda intakto, e komishon a hasi un petishon pa asina por konservá tambe interior di e kapèl

komo parti di e herensia kultural di Aruba. E komishon tin intenshon di lanta un fundashon pa asina manehá i protehá e kapèl, e inventario i algun lokal den serkania di e kapèl.


Di e forma aki e eksposishon aktual por bai forma parti di un museo permanente ku ta konta e historia di e kapèl, di e sùnnan di Bethania i di e Parokia di Noord.



Ayera a hib' é na su último lugá di sosiegu

Manera Henry Rodriguez no tabatin dos

ORANJESTAD - KRALENDIJK -- Aruba i Boneiru a pèrdè dia 25 di sèptèmber 2020 un gran músiko, vokalista, bass player, direktor musikal i maestro di entre otro instrumentonan kuarta, kitara, steelpan i brassband, Henry Jozef Rodriguez. Henry tabata un hòmer di famia i e ta laga atras su kasá Desiree Rodriguez-Carter, su yunan Gerardo "Bashaka"



Janga, Gwendy Shelton-Rodriguez, Nathaly Rodriguez, Reggie Albertus, Aisha Albertus. Su nietunan Gerald Janga, Millizene Janga, Jean-dolph Martis, Jaden Shelton, Gabriela Rodriguez, Arzhianne Petiti, Jayron Petit, Jermain Giron, Jaydon Giron. Su bísanietinan: Jerienne Janga, Jayden Henriquez i Josienne Henriquez.

Karera Musikal

Na Aruba Henry Rodriguez a inisiá ku su karera musikal na kas ku su famoso tata Lody Rodriguez, kende tabata konosí komo 'The One Man Band'. El a toka ku un banda chikitu ku a asta presentá na Telearuba. Despues el a uni ku De Trupialen i hopi ta e bunita rekuerdonan ku tur su amigunan di Socotoro i Companshi por konta.

Henry komo mucha yòn a bai biba na Boneiru huntu ku su famia na 1968, su tata Lody Rodriguez, su mama Chichi Rodriguez-Tromp, su ruman hòmer gran músiko i kitarista tambe Raymond "Monty" Rodriguez i su ruman muher Lourdes "Lupi" Rodriguez.

A keda Aruba su rumannan Leo Rodriguez, gran deportista futbolista, rumannan muhé i gran bailadónan Annie Phelipa, Erna Dirks, Eveline Marchena, kende tambe ta gran deportista, gran músiko kongista di 'The Musical Time' Harry Rodriguez i konosido Rudy Rodriguez.

Boneiru

Na Boneiru mesora Henry i su ruman Monty a djòin e mundu musikal i tambe karnavalesko. E konosido Alejandro "Lalan" Clarinda, Tata Lalan manera e ta yam'é, a dediká hopi ora na Henry pa kultivá su talento musikal i Henry semper a rekonosé esei den dje.

Henry Rodriguez a sigui desaroyá su karera musikal tokando primeramente e instrumento di baho i tambe kanta. El a toka ku su gran amigunan di Boneiru den vários agrupashon musikal. El a toka prome ku e stilbènt di Nikiboko Steelband "The Defenders." Despues a toka ku Aguinaldo Encantadores, ku despues a bira Gaita Los Encantadores.

Despues Henry a uni ku e banda GBM Selection i



SABANA STEEL COMBO CON AMOR

E grupo ta consisti di:

Henry Rodrigues - Tito Wanga . . . *first pan*
Marlon Wanga - Broertje Mercera . . . *double tenant*
Roy Wanga - Esteban Quant . . . *drummers*
Peter Silberie - Mario Francees . . . *cello*
Hubert Pourier *base*



ku "Beat Band Shure" kual, segun Henry, ta esun ku nan a kousa mas hopi furor na Boneiru i Kòrsou. Nan a biaha pa Venezuela ku stilbèntd tambe. Henry for di Boneiru kaba a kuminsá forma parti di e kor di Misa

San Bernardo, perkurando pa sirbi Dios tambe ku su talento.

Despues nan a lanta Sabana Steel Combo, mihó konosí komo Sasteco. Esaki tabata praktikamente un orkesta ku tambe tabatin

vokalista, algu úniko pa stilbènt. Vários di e miembronan di e stilbènt aki di Boneiru a biaha pa Aruba pa forma parti di ‘The Invaders Steel Orchestra’ di e konosido Edgard Connor. Ku esaki nan a toka na kasi tur hotèl na Aruba diariamente pa 9 aña largu, sea nan so i òf kompañando entre otro e shownan di moda di Farita Luidens, gruponan di show di karnaval, te e famoso ‘Flame Show’ di Vincent Marborough.

Aruba

Henry a sigui ku su karera musikal na Aruba i a uni ku e banda ‘The Brothers’ komo drùmer i despues ‘Orquesta Musical’ di Tito Flores komo bahista. Henry Rodriguez ta mas konosí na Aruba pa ta vokalista i ‘bass player’ di Latin Four i despues Latin Four & Company ku entre otro Mylene Marquez.

Den e agrupashon musikal aki el a kanta hopi kansion memorabel ku tabata den tòp hitnan na Aruba. Henry a toka tambe ku e banda ‘Tropical Breeze’. Pa 19 aña largu Henry a toka na kasi tur hotèl na Aruba tur anochi sin falta un, formando parti di vários grupo musikal ku tabata deleitá tantu turista komo komo hende lokal.

Henry na Aruba tambe a toka i tabata un di e fundadónan di Energy Brass. El a forma tambe parti di TBS Brassband, ku su yu

Gerardo "Bashaka" Janga a lanta.

Henry a toka ku masha hopi grupo i semper tabata kla pa yuda reemplasá un músiko si mester.

Mas grupo

Durante e ultimo añanan Henry a forma parti di e grupo musikal di gòspel "God Sons" di Gregory Goedgedrag. Tambe ku hopi kariño el a forma parti di e kor ‘Amor pa Mi Jesus’, Tipico Brisa Tropical i muchu mas.

Ariba Youtube por wak un hopi bunita entrevista hasí ku Henry den un programa spesial "E Artista" na Boneiru, presentá pa Mega Vision, ku Byron Tromp.

“Henry it will never be the same without you”, outor di e artíkulo aki ta bisa. “No tin dos manera Bo! Bo tabata un gran músiko, yu, ruman, tata, welo, bísawelo, esposo, omo (tio), primu, suegro, padraastro, sua, kompèr, padrinu, gran amigu, un gran kontadó di chiste, i mas ku tur kos un bon yu di Dios! Love you forever! Henry, Sosegá na pas den brasa di Señor.”

Uní ku famia

Henry a forma parti di òf a uni ku famianan manera ruman: Rodriguez, Phellipa, Marchena, Anthony, Tromp, Dirksz, Carter, Martes, Janga, Shelton, Harms, Becker, Baarh, Wild, Bermudez,

Odor, Herms, Vingal, Burleson, Jeandor, Toppenberg, Volkerts, Caster, Genser, Marugg, Koolman, Schultz, Raktoe, Mercera, Sierra, Lemm, Winklaar, Ferrier, Benschop, Trott, Geerman, Maduro, Cortes, Smit, Angela, Wanga, Naar, Tujeehut, Hek, Hernandez-Marcano, Valentin, de Roo, Paula, Zichem, tijn, Maxwell, Carlo, Kelly,

Ridderstap, Angela, Ter Braak, Kock, Henriquez, Figaroa. Albertus, Giron, Braaf, Charles, Petit, Oduber, Salsbach, Boekhoudt, Vrolijk, Carlos, Vis.



Dushi tempu bieu



Bista di Kaya Grandi ku ta mustra modelo di outonan masoménos 40 pa 45 aña pasá.
(Kolekshon René Spierings)

Programanan di Bonaire.tv

Telbo kanal 70

Flamingo TV kanal 23

Djabièrnè 2 Oktober 2020

12:00 RNB:

Rudwick Cecile 'Rudi' Benita

13:00 Herensia:

Irene Imelda Arion-Vlijtig

14:00 Aki Boneiru:

San Pedro 2019

15:00 Herensia:

Victor Christostomo Epistola

16:00 Mantené Bo Man Tené:

Raphael i Edelda Statie-Rodriquez

17:00 Herensia:

Glenn Albertina Parti 3

18:00 Luna Yen Augustus

20:00 Herensia:

Melvin Bernabela

21:00 Aki Boneiru:

Arte di Palabra

Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.

Bonaire.tv
Historia | Kultura | Naturalesa

Hendenan di Boneiru

DUISMET



Un di e smetnan mas konosí di Antriol tabata e hòmbler riba e foto aki: Severo Leonardus Hercules Weyman. El a nase na Boneiru dia 6 di novèmber 1896. Su nòmber di kariño tabata Dui. Dui a nase i lanta den e parti nort di Antriol. Nan kas tabata situá

kaminda e edifisio di Korona Supermarket ta aktualmente, ántes Lidia Supermarket di Cidro Bernabela. Dui tabatin dos ruman hopi konosí, esta Chi Canota i e legendario Chatin. Especialmente Chatin a bai den historia komo un persona ku un forza enorme. Un dòbelèter, manera nan sa bisa. Pero e tabatin su problemanan mental i sa terorisá Antriol. Dui sinembargo, anke e tambe tabatin hopi forza, tabata un hòmbler trankil, ku bon kurason, un pan di Dios. Di baina Dui tabata papia, pero e tabata demostrá rèspèt i kariño pa tur hende. E tabata kasá ku Flora.

Loke a hasi Dui konosí i asta famá te un 40 aña pasá ainda na Boneiru tabata su ofishi di smet.

Probablemente e tabata e último smet ku a keda aktivo te na fin di dékada sesenta ainda riba e isla aki. Su tayer tabata situá den Stashi i e tabatin un kunuku nort di Ser'i Angola.

Dui por a hasi tur trabou di smet. E tabata traha frena pa buriku, heru pa pata di kabai, plancha pa traha bolo, klinchi weanan ku hafá buraku. Asina por sigui mensioná.

Banda di su ofishi di smet, Dui tabata spesialisá tambe den trabou di kunuku. E por a traha ramada di flambeu tambe hopi bon.

KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482

E-mail:

extrabon@gmail.com

Wèpsait:

www.extraboneiru.com

Direktor

Shirley Martis

785-3824

796-3824

Hefe di redakshon

Bòl Antoin

786-6818

Redakshon

Ludovico Nicolaas

Davienuska Janga

Velli Gijsbertha

Ibi Piar (deporte)

Layout

Josella Martinez

Aviso

avisobon@gmail.com

Pronóstiko di tempu pa Boneiru

Djabièrnè
02 Oktober 2020





Awe i mañan ta okashonalmente nublá i tin chens pa algun áwaseru, posiblemente ku mal tempu. E temperatura máksimo lo ta aproksimadamente 33°C, e temperatura mínimo mas o ménos 27°C. E bientu ost ta moderá te basta fuerte, 4-5 Bft. Mañan bientu lo bin for di direkshon ost pa sùitost. Altura di ola: 1.0-1.5 m (4-6 pia).

MONCHI & TONCHI

E afèr di Covid19 aki tin mi kansá i fadá. A ni hende bo no ta rekonosé mas.

Awèl sí. Mester kuminsá pone nòmber riba tapaboka pa sa ken ta ken.



Asuntu di gym ku no por habri tin su persona prekupá

KRALENDIJK--Segun sr. Mario “Bòlòshi” Soliano di den entrevista ku nos redaktor deportivo Ibi Piar e siman aki, a bisa ku e asuntu di gymnan ku no por habri aktualmente relashoná ku Covid-19, tin su persona hopi prekupá.

Riba nos pregunta kua ta e motibu di prekupashon, sr. Soliano di “Mario Soliano’s Gym”, a bisa ku bia pasá e la keda tres luna ku su gym será, esaki sin entrada sin nada pa kubri e gastunan ku e la hañé konfrontá kuné, sin sa unda e kue pa ayudo ku e situashon ku a presentá, loke a nifiká pèrdida pa su persona.

E ke trese bon kla dilanti pa tur hende skucha pa loke ta e parti di sentro di gym ku e asuntu di covid-19.

E gym mester tin aire liber, di kua e sentro di gym di su persona tin 8 bentana, 1 porta grandi i dos porta mas.

Ke men aire liber

Mester tene kompashon ku e gymnan ku tin aire liber.

Si bo tin por ehèmpel 100 hende, puntra nan ki ora nan por trein, ki dia i ki manera por yega na un areglo pa por trein sikiera 1 ora pa e gym por sigui drai. Awó a dal gym sera, pero tin ku tene kompashon ku esun ku tin ku paga e hür di su edifisio, otro gastunan adishonal di awa i koriente etc.

Tin hende no ta bai pidi koperashon i no tin kompashon ku nan

Gym ta será, ta bo asuntu, wak pa mi haña mi sèn fin di luna.

Tur luna e debe di hür ta sigui subi i yega dado momentu ku no tin entrada mas i tin ku dal gym su portanan sera.

Si bo dal bo gym sera ku e kayente aki i tera ku ta yena e lugá, ta tur kos ta bai

pèrdí, loke ta otro problema mas.

Ta difísil p’abo dal bo portanan di gym sera snòk snòk.

Tin tambe ku si bo habri pa aire pasa den e lugá o pa hasi limpi, nèt a pasa kontrolá, ta pensa ku ta habrí bo gym ta, loke no ta e kaso.

E situashon ta unu fèrfelu i difísil.

Laga nos spera kiko i kon lo bai sigui ku e situashon aki.

Nos ta kere sinseramente ku lo mester tin solushon i koperashon pa esaki pa tòg e sentronan di gym funshoná manera sr. Soliano a trese dilanti, esta habri sierto oranan pa sierto grupo por trein pa evitá e aglo-merashon di hende riba otro.

Nos ta kere ku tur kos por.

Ta papia tin ku papia i yega na entendimentu ku otro, loke ku lo mester por.

Tur ayudo pa s.v. Estrellas ta bon biní

KRALENDIJK--Tur ayudo di komunidad pa tantu e klup di futbòl s.v. Estrellas i tambe pa e klup di futbòl aki ta bon biní.

Esaki e presidente sr. Ricardo “Kado” Alberto, a trese na publisidat e siman aki.

E la duna di konosé ku mas i mas ta notabel ku hopi hende ta apoyando e direktiva di s.v. Estrellas den su trabou na bienestar di e klup di futbòl aki di Nort Saliña.

E komunidad ta mira ku e direktiva aktual ta trahando duru pa lanta e klup di futbòl aki bèk i hibé na unda e tabata último añanan, e posishon ku e klup aki tabatin den kampionato di futbòl di nos isla.

Hopi hende a bin ta apoyá e trabou ku e direktiva a bin ta hasi na fabor di e klup i di su

miembronan.

Notabel tambe ta ku mayoria habitante di e bario, pa no bisa tur, a bin ta apoyá i duna nan sosten pa lanta e klup di futbòl aki bèk riba nos isla.

Hopi habitante a bin ta ofresé nan sosten i apoyo pa yuda e direktiva logra e meta poné nan dilanti.

Pa e motibu aki tambe e direktiva ta hopi kontentu ku tur ayudo, tur sosten ku ta bini di habitantenan i di instansianan pa e klup.

Direktiva di s.v. Estrellas ta hopi kontentu ku tur apoyo, ayudo i sosten ku ta bini di parti komunidad pa e klup di futbòl aki di Nort Saliña.

E direktiva aktual di s.v. Estrellas ta hopi satisfecho i kontentu i ta sigui traha duru pa sigui logra mas pa e klup di futbòl di s.v. Estrellas di Nort Saliña.

E aña aki lo a bira e di 53 edishon

Nos a drenta luna di regata i sin regata posponé pa Covid-19

KRALENDIJK--Nos a drenta e luna di Regata Internashonal di nos isla, e luna ku tur aña di nobo pa hopi aña hopi hende a bishitá Boneiru den e luna aki pa e famoso regata di nos isla.

Asta momentunan ku hotèlnan tur tabata yen, hendenan tabata sigui bini Boneiru pa nos regata i drumi na bordo di nan yatenan i botonan mes i asta kamper kant’i laman riba malekon i otro partinan.

E aña aki ku nos lo mester a organisá i selebrá e di 53 edishon di nos regata, lamentablemente ku e pro-blema di Covid-19 ku

ta para tur kos, nos regata tampoko no por tuma lugá.

Hype Events ku a organisá esaki ku éksito e último añanan, a duna di konosé ku nan no ta interesá mas pa organisá esaki i entregá esaki bèk na Gobièrnu di Boneiru yamando danki pa esaki.

Indebon ku ta e insituto di deporte di gobièrnu di Boneiru a bini aden pa yuda i Aquaspeed Bonaire Windsurfing ku por sierto tin hopi pero hopi eksperensia den esaki, a keda enkargá pa organisá esaki e aña aki.

Pero lamentablemente

asuntu di Covid-19 a drenta i para tur kos ku e medidanan i reglanan ku a drenta na vigor relashoná ku esaki pa ku salú di nos komunidad.

Meskos ku tur otro ramo di deporte, nos regata tambe a para pa e aña aki.

Aquaspeed Bonaire Windsurfers ku tin hopi eksperensia den esaki, ya ta preparando i ta basta avansá kaba ku nan preparashonnan pa ku regata di otro aña.

Kon Regata a kuminsá. Nos regata a kuminsá ku dos bon amigu di otro ku ta sr. Ibo Domacassé i sr. Don Stewart (e.p.d.),



ku a yama otro afó ku nan botonan di bela pa kaha di serbes.

Asina e regata a kuminsá momentu ku sr. Niki Tromp (e.p.d.), a disidí di sigui ku e kompetensia aki, loke a bira awe nos regata internashonal pa hopi aña, loke a bira popular pa hopi

aña tresiendo Boneiru tur aña di nobo masha masha hopi hende mes nos isla.

Asina nos regata a sigui krese, despues ku su “ups & downs” pero e la sigui, loke e aña aki lo mester a bira e di 53 edishon di nos regata internashonal di Boneiru.



You can rest assure that your Changan will be properly taken care of by our **trained mechanics** at our **brand-new garage with top-of-the-line technology**.

Using only **original parts**, and schematics sent from the factory in China, our professional staff will fix any problem, whatever it is.

You, and your car, are in **good hands**.

www dabboussimotors.com f /dabboussimotors 786.6662

dabboussi
motors



Vacature

MEDEWERKER
COMMERCIAL
TECHNICAL
SUPPORT

Een veelzijdige zelfstandige functie met veel klantcontact bij een innovatief communicatiebedrijf.

Graag ontvangen wij je CV en motivatiebrief uiterlijk 15 oktober 2020 op hr@c3.cw

MEDEWERKER COMMERCIAL/TECHNICAL SUPPORT BONAIRE M/V

In deze afwisselende functie ben je het eerste aanspreekpunt voor bestaande klanten. Alle gebruikersvragen met betrekking tot onze oplossingen komen bij jou binnen en het is jouw taak om ze zo goed mogelijk te helpen. Dit vergt een zekere mate van technisch inzicht en kennis van de producten waardoor je zoveel mogelijk vragen zelf op kunt lossen. Naast gebruikersvragen, zorg je er ook voor dat bijbestellingen van klanten verwerkt worden, maak je werkopdrachten aan voor de monteurs en help je klanten. Je schakelt veelvuldig met diverse andere afdelingen binnen het bedrijf waaronder de afdeling Sales, Research & Development en Techniek op Curaçao of een van onze andere vestigingen. Gezien de huidige samenstelling van het team zijn we op zoek naar iemand met passie voor klantcontact en technisch inzicht en de ambitie om die rol verder te optimaliseren.

Wat zijn jouw taken?

Je bent verantwoordelijk voor:

- Beantwoorden en behandelen van binnenkomende telefoongesprekken/verzoeken voor klanten op Bonaire
- Organiseren van nieuwe installaties
- Programmeren van radioapparatuur
- Contact en overleg met eigen en externe monteurs
- Onboarding van nieuwe klanten
- Verwerken van orders en bijbestellingen
- Nacontrole van uitgevoerde werkopdrachten

Wat vragen we?

- MBO werk- en denkniveau
- Minimaal 2-3 jaar ervaring in een klantenservice of support rol
- (Electro) technisch inzicht
- Affiniteit met Radio technologie, software en hardware
- Uitstekende beheersing van Papiamentu in zowel woord als geschrift
- Goede beheersing van de Nederlandse en Engelse taal in zowel woord als geschrift
- Pré: Spaans

Wat kun je van ons verwachten?

Het professionaliseren van de afdeling Bonaire staat hoog op de agenda en heb je alle kans om dit mede vorm te geven. Hoe jouw functie er precies uit komt te zien heb je voor een groot deel zelf in de hand!

Enthousiast? Solliciteer dan snel! Graag ontvangen wij je CV en motivatiebrief **uiterlijk 15 oktober 2020** op hr@c3.cw.